

詩

地

理

考

略

詩地理攷略名物攷略題辭

是編考究名物尤詳於地理凡古今之沿革政教之得失風俗之貞淫皆三致意焉是誠有合於興觀勸懲之義者矣每國繫以論其筆意頗有太史公論贊神氣於古地名之下指明今地名使觀者知爲今某府某縣尤便於誦詩者且二種所述皆能舉其要簡而不繁有益初學必傳之書也道光乙巳南山張維屏

地理名物詩義之末也然而唐魏勤儉鄭衛淫亂漢水有游女宛上有歌舞不詳地理則昧國家風俗之由矣睢鳩有別鼠雀貪淫鵠鳥不止樹桑扈不食粟不詳名物則昧詩人取

興之旨矣故求通詩義不可不從事地理名物毛氏釋物與爾雅同先儒謂爾雅皆綴拾諸家訓詁而成非上代之書王雪山說然則爾雅輯毛說也吳陸璣有草木蟲魚疏宋陸佃有埤雅蔡卞有名物解皆廣毛義本草爲專門之學其釋名物尤詳亦於詩義有關焉鄭康成作毛詩箋別爲詩譜三卷諸國疆域於焉可睹詩家之詳地理昉乎此朱子集傳本毛氏二陸以釋物本鄭譜以釋地有所未備王伯厚作地理攷許白雲作名物鈔以補之諸儒之用心可謂勤已自是厥後詩名物之學多專家而詩地理之學罕有繼者繼美自少究心二端反覆攷覈蓋亦有年戊戌冬始纂輯成帙置諸敝廬不

復省視者久矣辛丑夏編錄詩管見檢閱是編謂其於詩學  
不無裨益因重爲正定題曰詩羽翼序而存之焉嗣王霞九  
觀察張南山司馬並云羽翼名不當宜易承李適堂孝廉易  
名詩地理名物攷略艾至堂大令易名詩小學袁穀廉大令  
易名詩緒餘曠琴仙司馬易名詩地理攷補詩名物攷補方  
斷斷未有以定也今從曠司馬分爲二書從李孝廉題曰攷  
略再事補訂并加注釋較舊益詳但恐與張司馬簡而不繁  
之語或有背爾咸豐癸丑冬月永新尹繼美識

詩地理攷略凡例

一體製與王氏地理攷稍異彼書一依經文爲次是編義取分國故於本國雜見他國之地則別置下卷商雖君臨天下而蠻如荆楚戎如西羌亦別置齊風齊子歸止條內廁入魯地者事以類從不得不爾非自亂其例也二雅之地惟依經文爲次蓋不敢於詩外別立一目云

一王氏書采輯衆說隨手鈔錄不置可否不分優劣是編一手裁綴竊有所折衷或見諸正文或詳於注語其有說當並存則以位置前後寓優劣之意

一徵引諸家之說於毛傳鄭箋鄭譜孔疏朱傳外或稱姓字或

稱書目或姓字書目並稱原無成例

一徵引雖富亦必擇其切要如逸周書二南國

逸周書史記解

臣貴寵力鈞勢敵競進爭權非風詩之二南國也雖酈氏水

下爭朋黨君弗禁南氏以分

水經注秦昭襄王二十九年使

經注羅氏路史國名紀證其地在南郡南陽  
白起拔鄢郢以漢南地而置南郡焉周書曰南國名也南氏  
有二臣力鈞勢敵競進爭權君弗能制南氏用分爲二南國  
也韓嬰敘詩云其地在南郡南陽之間呂氏春秋所謂禹自  
塗山巡省南土者也是郡取名焉路史夏后氏後男國世本  
之有男氏潛夫作南周書之有南也二臣勢鈞爭權而分楚  
地記云漢江之北爲南陽漢江之南爲南郡者是案南郡今  
湖北荊州府南陽府然不能駭文王當日南國之地故編內不  
錄

一地理之學最古最精推漢書地理志後漢書郡國志杜氏森

秋左傳集注春秋釋例酈氏水經注是編先徵據五書而後

參以群書

所引水經注乃遵庫本

一諸家原書或亡其說見於他書所引者後學徵據當稱某書

引某書云云今省繁稱原書目元和郡縣志太平寰宇記元

豐九域志亦概從省文稱元和志寰宇記九域志

諸書引郡縣志往往

說作郡國志如寰宇記於瑕丘縣載樊縣故城引郡國志云  
卿士樊仲皮國後漢書郡國志乃無此語郡國爲郡縣之訛  
無疑故不如稱  
元和志之確其他或於首引之條稱全目以後則省文

一九域志有二本一本有古迹一本則無今世所傳庫本乃

無古迹王氏書所引九域志乃據有古迹之本編內或稱詩

地攷引九域志云云蓋以別於今世傳本

一近代長於地學如顧景范祖禹閻百詩若璩顧亭林炎武高澹人士奇胡朏明渭顧錫山棟高皆最著者而集大成則莫如大清一統志洪稚存亮吉著乾隆府廳州縣圖志實本之是編去取多以一統志爲宗

二十年前劉偶三見是編而賞其體裁整齊余萃舉亦嘗謂詩地理之學自王氏成書後五百年來無人接踵是編不可不公諸同好今春來鄴授徒出此相講有請鈐諸木者因憶二友之言徇其請補錄凡例數則於簡端同治甲子夏月繼美識於泚泉書院



詩地理攷略卷之一

永新尹繼美混軒

地理之學最爲糾紛或同地異名或同名異地郡縣有沿革時併時分校最非易地志每多傳會彼此互異折衷維艱懸遠則歸一是近似不妨兩存有所不知姑從其闕斯亦學古之則也茲輯詩地理釋以今名庶幾通夫大略敢云不出戶而知天下哉道光辛丑冬月繼美自序

周南召南

周在禹貢雍州境內岐山之南本黃帝次子昌意後姬姓國因姬水環流故曰周其國已亡於夏商間

本范逸齋補傳及羅長源路史說白虎通義謂

文王改號為周非史記正義通鑑後太王自幽遷居焉傳子王

季帝乙命為西伯文王嗣位教化大行孔叢子帝乙之時王季

季為西伯至紂又命文王典治南國江漢汝旁之諸侯辟地

侵廣遷都於豐乃分岐周故地以為周公召公之采邑及武王

滅商周召為二伯分陝而治成王踐祚周召輔政禮樂興矣公

傳陝以東周公主之陝以西召公主之水經注陝城昔周召分

伯以此城為東西之別東城即號邑之上陽也號仲之所都為

南號三號此其一焉其大城中有小城故焦國也以封神農之

後於此詩地理攷傳氏云二南之國始於文王之分岐成於武

王之分岐而其詩岐周在今陝西鳳翔府岐山縣豐今西安府

鄠縣陝今河南陝州也括地志周公故城在岐山縣北九里召

公故城在岐山縣西南十里

左傳隱六年杜注扶風雍縣東北有周城倍二十四年杜注扶風雍

縣東南有召亭水經注雍水又東逕召亭南故召公之采邑也  
京相璠云亭在周城南五十里案召亭有二今岐山縣西南召  
亭故召公之采邑又晉書地道記河東郡垣縣有召周一作那  
亭此春秋時召公采邑也垣縣今山西絳州垣曲縣

召一作邵南南方諸侯之國今陝西漢中興安二府及商州河

南陝州河南南陽汝寧諸府及汝州湖北武昌漢陽安陸德安

荊州襄陽鄖陽諸府湖南岳州常德辰州諸府卽其地也本朱傳說

釋以詩樂之南音本出於南國凡倣其音節而作詩樂者皆名

南二南及邶鄘衛而下皆以音別說詳詩管見朱傳於周南譜

十三世孫於幽譜稱太王爲公劉十世孫此沿史記之誤國語  
云自后稷之始基靖民十五王而文始平之此刺舉有功德之  
祖而言非謂其世數止有此也史記不察遂成其誤夫稷與契  
並世契至成湯四百二十餘年已十四世湯至紂六百餘年又  
二十餘世周自后稷至文王凡千餘年而世止十五豈理也哉  
羅氏路史載后稷生台璽台璽生叔均叔均而下雖未詳然漢

詩地理攷略一 卷之一

書劉敬傳言后稷封台積德累善十有餘世而公劉避狄是叔均下至不窋近八九世矣路史又載不窋生鞠是爲鞠陶鞠生公劉公劉生皇僕皇僕生弗差弗差生僞隃卽毀隃也僞隃生公非公非生辟方辟方生高圉高圉生侯牟侯牟生亞圉亞圉卒弟雲都立雲都生祖緄是爲祖類祖緄生諸鬻是爲太公太公生亶父是爲古公古公生季歷凡十有七世合而觀之自后稷傳三十餘世乃至文王也但案山海經台璽爲后稷弟路史以爲后稷子恐有誤蓋路史發揮周世攷自云詳夏氏之書是提山海經也非別有提也又案朱子亦嘗疑史記之說見文集答曹子野書

在河之洲案黃河經積石山至今甘肅蘭州府河州入中國界

東北經寧夏府流出塞外又東南至陝西榆林府府谷縣入塞

南流經延安府宜川縣同州府韓城邵陽朝邑諸縣至潼關廳

折而東邵陽縣卽太姒生地河洲亦在邵陽

毛傳水中可居者曰洲說文洲水渚

也水經注河水又南漢水入焉水出汾陰縣南四十里西去河三里與邵陽漢水夾河河中渚上又有一漢水皆潛相通故呂

沈曰爾雅異出同歸爲漢水互詳役在郢之陽

漢有游女案近漢之女好游張衡南都賦游女弄珠於漢皋之

曲文選注引韓詩外傳鄭交甫將南適楚遵彼漢皋臺下乃遇二女佩兩珠大如荆雞之卵水經注方山下

水曲之隈漢文昔游處也方山一名萬山或云水經注本一名作萬訛作方

蔓山一名漢皋山在今襄陽縣西北十里後漢書注引習鑿齒襄陽記襄陽縣西北

里有方山父老傳云交甫所見王雪山云世傳莫愁曲在石頭

玉女游處北山之下曲隈是也

今郢州也案宋郢州治長壽縣今安陸府鍾祥縣也石頭城莫愁村在縣西北襄陽在樊城今鄧

城也城原本誤作州案宋襄州治襄陽縣州北二襄陽樂襄陽

曲雍州曲襄陽踏銅堤皆曰大堤北渚大堤在襄陽之西北渚

在襄陽之北三洲曲采桑度皆江漢之間游女事也

漢之廣矣漾水出今陝西寧羌州北嶓冢山讀史方輿紀要嶓冢山在沔縣西二

十里與寧東至南鄭縣南為漢水禹貢嶓冢導漾東流為漢是

也並詳後河經湖北鄖陽府鄖縣襄陽府均州光化穀城襄陽

諸縣安陸府鍾祥縣漢陽府漢川縣至漢陽縣漢口入江漢有

出漢中寧羌州嶓冢山至漢陽縣入江者為東漢水出鞏昌府

秦州嶓冢山至重慶府江津縣入江者為西漢水大清一統

志云東西二漢水絕不相合禹貢嶓冢導漾東流為漢皆指東

漢也自漢志以嶓冢為西漢發源之山與禹貢不合水經注又

以漾水之名歸之西漢并錯逾多胡渭禹貢雖指辨之已詳

江之永矣江水出今四川松潘廳北西番界過敘州金沙江入

之過重慶府嘉陵江涪江入之過岳州府洞庭湖水入之黃黎

水經云洞庭湖在岳州府城西南一名九江沅澨无辰叙西澨

資湘九永皆合也又沅資湘最大皆自南而入荆江自北而過

洞庭湖其間  
名爲五湖

過武昌府漢水入焉過九江府彭蠡湖水入焉

今水

經云彭蠡湖一名鄱陽一名宮亭在九江府城東南九十里間  
四十里長三百里經南康府東南西接南昌東抵饒州納贛野  
鄱饒袁至揚州府通州入海經行數千里故詩言江永嚴華谷  
修諸水

云江水尤深闊於漢故漢止言不可泳而江言不可方

鄭漁仲云周爲

河洛召爲岐雍河洛之南瀕江岐雍之南瀕  
漢江漢之間二南之地詩之所起在於此

遵彼汝墳水經言汝水出河南梁縣天息山地理志言出高陵

山博物志言出燕京山或言出宏農盧氏縣還歸山鄭氏尋其

源流實出魯陽之大孟山

詳水經注

魯陽縣今汝州魯山縣也汝水

由今縣東北流經伊陽縣及汝州之南又東南經寶豐及邾縣  
南入南陽府裕州界經葉縣北又東經許州之襄城鄆城二縣

南歷汝寧府西平縣北東南流經上蔡汝陽二縣北又東經新

蔡縣西息縣北至江南潁州府南注於淮墳大防也毛水厓也

北齊改昆陽縣爲汝墳縣案前後漢二志昆陽縣屬潁川郡其故城在今

南陽府葉縣東北九涉志葉縣縣志云今有汝墳店在縣北十

五里又漢汝南郡汝陰縣王莽改曰汝墳後漢書郡國志汝陰

縣注引地道記云有陶丘鄉詩所謂汝墳案汝陰縣今安徽潁

州府治阜陽縣也九域志潁州汝陰郡治汝陰縣有汝水非周南地昆陽地近是

矣爾雅水自汝出爲瀆郭注引詩亦作瀆水經注汝水又東南經奇維城西北今南

潁川郡泊也潁水出焉亦謂之大潁水潁者汝別也潁水在潁縣東寰宇記云奇額城在潁縣東魏字肅望里

陟彼南山毛傳南山周南山也案周南山卽終南山折以一名南山

陟彼南山毛傳南山周南山也案周南山卽終南山折以一名南山



南山一名周終南爲周望山故詩多舉此爲言殷雷在南山之  
南山並詳後陽小雅如南山之壽南山有臺節彼南山幽幽南山信彼南山  
皆指終南

蔽芾甘棠勿剪勿伐召伯所茇括地志召伯廟在洛州壽安縣  
西北五里召伯聽訟甘棠之下周人思之不伐其樹後人懷其

德因立廟有棠在九曲城東阜上案洛州今河南府也壽安縣

魏爲甘棠縣今河南府宜陽縣也

潘氏輿圖備攷召伯城在宜陽縣召伯循行南國時築

大清一統志壽安故城今宜陽縣治相傳爲周時召伯聽政之所

又詩地理攷引九域志召伯

甘棠樹在陝州府署西南隅今陝州南亦有甘棠驛

大清一統志召公

祠在州治東州志云卽召公聽政處

江有汜毛傳水決復入曰汜案汜卽夏水也夏水由江枝分而

入漢漢入江處名漢口一名沔口一名夏口在今武昌府江夏

縣西五詳沔彼流水水經云江水又東至華容縣南沔水入焉注云江水

左通爲中夏水江水又東沔水注之水自夏水南通於江謂之

漏口春秋所謂閘放游漏而逸者也水經云沔水又東南過江

夏雲杜縣東夏水從西來注之注云卽堵口也爲中夏水水經

云沔水又南至江夏沙羨縣北南入於江注引庾仲雍云夏口

亦曰沔口又水經夏水注云江津豫章口東有中夏口是夏水

之首江之汜也夏之爲名始於分江冬竭夏流故納厥稱自堵

口下沔水通兼夏目而會於江謂之夏汭故春秋左傳稱吳

伐楚沈尹射奔命夏汭也杜預曰漢水曲入江卽夏口矣

江有沱毛傳沱江之別者爾雅水自沱出爲沱禹貢岷山導江東別爲沱

是也案禹貢沱有二今湖北荊州府枝江縣沱水荊州之沱也

四川成都府郫縣沱水梁州之沱也詩道土風當指荊州之沱

論曰文王治岐南國從化而江漢汝墳諸詩作焉爲諸國風詩之倡亦爲後世風詩之祖屈宋以來騷人詞客多生其地今遺風猶未艾也獨怪其時游女不可求思漢魏而後俗漸淫靡大堤曲亦可驗貞信之教何易衰也嗚呼自晉以放蕩成習江漢以南之風盡爲披靡降至五季淫風流行上有好者下必有甚誰職其咎哉

### 邶鄘衛

邶一作鄆鄘一作庸邶鄘衛皆以水得名

路史白馬縣有邶水汲縣有鄘水白馬今

滑縣也汲縣今衛輝府治衛水出今輝縣蘇門山詳後又今眞定府靈壽縣亦有衛水入滹沱河禹貢恒衛之衛也或謂衛地以此得名然爲商畿內國在禹貢冀州太行之東太行山在今與衛地遠矣

內縣北踰衡漳衡古橫字或謂濁漳名衡漳或謂清漳名衡漳

漳水出今山西太原府樂平縣濁漳水出今山西潞安府長東

南跨河東至兗州桑土之野南至豫州圃田之北境今河南開

封府中武王滅商以紂都封武庚此據鄭譜說詩地理攷引九

商之舊都商城武王伐紂立武庚於此又漢分紂都而北謂之

邶南謂之鄘東謂之衛使管叔蔡叔霍叔尹之為三監此鄭譜

肅服虔謂鄘在紂都之西與此異孔疏云地理志云邶以紂紂

子武庚鄘管叔尹之衛蔡叔尹之以監殷民謂之三監王肅服

虔皆依志為說鄭不然者以書傳曰使管叔蔡叔監祿父祿父

非一監矣蔡仲之命曰乃致辟管叔於商囚蔡叔於郭鄰降霍

叔為庶人三年不齒則以管蔡霍三叔為三監明矣孫毓亦云

三監當有霍叔鄭義為長又艾至堂云管叔封管今河南開封

府鄭州有管城霍叔封霍今山西霍州蔡叔封蔡今河南汝

府上蔡縣康叔封康今河南開封府禹州此本四叔所有封地也。以謂分封城而北謂之邶南謂之鄘東謂之衛使管叔蔡叔霍叔尹之爲三監三叔已各有封國何得又尹封城且三監是官名非以三人監之雖王制謂天子使其大夫爲三監監於方伯之國國三人原以王朝大夫出監侯國非以他國三諸侯出監也。况王制所記乃是商制周則以王朝二伯九牧伯爲監官之長然後設連帥卒正屬長三等監官分監於諸侯之國自相統攝謂之三監亦非三人同監於一國也。周禮所謂建其牧立其監者不獨連帥一人稱三監卽卒正屬長亦稱三監猶之太師一公亦稱三公太保一輔亦稱四輔不必果有三太師四太保也。爲三監官於殷者本管叔一人亦以其國與紂城近而使之監非分紂城而尹之也。故孟子但稱使管叔監殷自屬可據孔安國注書序不識三監爲官名妄以管蔡與商當之商卽武庚豈有自爲監者且蔡叔亦并不監殷左傳有痛二叔之不咸及管蔡啓商諸語亦不過謂蔡叔與管叔通謀流言啓釁耳故其後於管叔則誅之於蔡叔但囚之以其一監一未監罪有輕重也。若霍叔則孔注亦未及後鄭氏以三監列商爲難通因蔡仲有降霍叔之文乃取霍代商以補三數遂寬誤至今案此足備一說特以武庚管叔蔡叔爲三監後三監誅成王乃封康叔者說出漢志艾謂出孔注爲小誤爾。

於衛康叔初封康而衛則其徙封也

武王時蔡仲默因康當在

孟侯朕其弟之文謂其書為武王所作是也書序之誤決然矣

史記三王世家云康叔捍祿父之難據此則康國當與洙都相

近故能捍祿父之難及周公誅三監康叔得由近徙封焉復案

康誥稱小子封者非一而酒誥梓材則無酒誥又明著沫土洙

邦之稱是則康誥者武王時封康之作酒誥梓材者成王時封

衛之作也如此足以輔翼蔡傳之說而於史記漢書鄭譜之載

成王封康叔於衛亦相通而無礙矣特史記邶鄘不詳其始封地

記載周公作康誥於東征之後為可疑爾邶鄘不詳其始封地

理攷董氏云邶鄘同姓受封國後為衛所并焉此亦據鄭譜說

也范逸齋云邶本庸姓之國邶鄘之民於雒邑與此紂都朝

三監既誅盡以其地封康叔邶鄘之音存故非衛所能亂紂都朝

異詩地理攷薛氏云邶鄘滅而音存故非衛所能亂紂都朝

歌史記所謂殷墟也在今衛輝府淇縣東北邶在今彰德府湯

陰縣東南大清一統志引舊志云今或云今衛輝府治東北

見讀史方輿紀又或云今滑縣路史邶武庚之封滑是也滑之

要及輿圖備攷

同案後漢書郡國志朝歌北有邾國今湯陰  
縣正居朝歌北則邾城當以在湯陰為是  
邾在今衛輝府治

汲縣東北路史衛之汲東北十三里有故邾城有邾水通志說

今汲縣北新同或云在新鄉縣西南通典邾城在新鄉縣西南三

其康今開封府禹州也宋忠云康叔從康徙衛惲子居云馬氏

史康叔故城在潁川水經注潁水東歷康城寰宇記陽翟縣康

城少康故邑其諸康叔始封因其地鄭案陽翟今禹州也康城

故城在衛故都今衛輝府濬縣也朱傳朝歌故城在衛州衛縣

州西北縣路史衛本衛州衛縣熙寧六年省為鎮入黎陽案朝歌懿公

為狄所滅戴公廬於漕文公徙居楚丘漕在今滑縣後楚丘在

今曹州府曹縣春秋隱七年戎伐凡伯于楚丘以歸杜注楚丘

注楚丘衛邑者以地詳於前也故其春秋釋例於衛地第標隱

七年之楚丘注云濟陰成武縣西南有楚丘城僖二年之楚丘

不復標注明其爲一地也漢書地理志成武縣班固自注云有楚丘亭齊桓公所築遷衛文公於此後漢郡國志成武縣劉昭注云左傳隱七年戎伐凡伯于楚丘水經注亦云楚丘在成武西南卽衛文公所徙皆與杜注合隋開皇六年置楚丘縣屬梁郡唐屬宋州宋屬應天府其故城在今曹縣東南元和志楚丘故城在楚丘縣北三十里大清一統志主之或云今衛輝府滑縣之衛南西北四里楚丘城朱子詩傳王雪山詩總聞說並同案衛南廢縣在今滑縣東六十里隋初於此置楚丘縣後以曹有楚丘乃改爲衛南詩地理攷引輿地廣記云滑楚丘二地相近拱州之楚丘非衛所徙其地有景山景岡乃後人附會而名之顧亭林云衛楚丘在今滑縣開州之間非戎伐凡伯之楚丘濟陰成武乃曹國之地齊桓安得取之而封衛乎顧景范讀史方輿紀要高氏士奇春秋地名攷略顧錫山春秋大事表皆不上曹之楚丘而主滑之楚丘袁宇記乃兩地並載大清一統志云齊桓封衛於楚丘曹楚丘是也衛南廢縣乃衛地楚丘又或云卽鄆城路史鄆楚成公徙濮陽其地爲顓頊之墟故曰帝丘漢書地理志衛本國旣爲狄所滅文公徙封楚丘三



今滑之屬縣有顧帝城城內有帝冢又為夏諸侯昆吾所都故曰昆吾之墟注傳

衛有觀在昆吾之濮陽今大名府開州也顧頊城城中有昆吾

亭州西南三十里有濮陽故城明一統志又有帝丘城在滑縣東北七十里土山村為衛成公所遷蓋即濮陽城境相接也

大抵今河南衛輝彰德二府山東東昌府直隸之大名河南之

開封儀邑為儀封縣今省併為蘭儀縣又歸德僖二十八年山

東之曹州泰安隱四年清及兗州襄十四年阿諸府界皆衛境

文公滅邢今直隸順德府治邢臺縣也其後與河內殷墟並屬

於晉矣左傳成二年楚巫臣奔晉晉人使為邢大夫襄二成公

後十餘世為韓魏所侵盡亡其旁邑僅存濮陽後秦滅濮陽置

東郡徙之於野王漢野王縣今河南懷慶府治河內縣也始皇

既并天下猶置衛君二世時國始絕凡四十世

土國城漕漕一作曹通典滑州白馬縣衛國曹邑戴公廬於曹

即此今滑縣東二十里有白馬故城水經注鹿鳴臺又謂之鹿鳴城濟取名焉故亦曰鹿

鳴津又曰白馬濟津之東南有白馬城案白馬津今名黎陽津縣食其所謂守白馬之津是也路史以為即郡城見前注

爰有寒泉在浚之下毛傳浚衛邑水經注濮水枝津東逕浚城

南而北去濮陽三十里城側有寒泉岡即詩爰有寒泉通典寒泉在濮

陽縣東南案浚城寒泉在今開州南又今開封府治祥符縣漢

有古浚城浚儀有浚水有寒泉阪陳畱風俗傳浚儀縣北有浚水泉而儀之故曰浚儀真字記寒泉阪在浚儀縣

西六十里詩云爰有寒泉在浚之下其水冬夏常冷因曰寒泉二地未知就是 大清一統志

乾隆府廳州縣志兩存之

胡爲乎中露胡爲泥中中露泥中毛傳並訓衛邑

鄭箋黎侯爲狄人所逐棄

其國而寄於衛衛處之以二邑

案漢黎陽縣屬魏郡其故城在今衛輝府濬縣

東北水經河水又東北過黎陽縣南注云黎侯國詩式微黎侯

寓於衛是也

晉灼云黎山在其南河水逕其東其山上碑云縣取山之名取水之陽以爲名也

又漢黎

縣屬東郡其故城在今曹州府鄆城縣西孟康云卽詩黎侯國

水經注瓠河東逕黎縣故城南世謂之黎侯城昔黎侯寓於衛

詩所謂胡爲乎泥中毛云泥中邑名疑此城也土地汙下城居

小阜魏濮陽郡治也 大清一統志主後說又今曹州府范縣

亦有黎侯城或云黎侯寓衛之地

旄丘之葛兮旄丘在今開州南

寰宇記載旄丘在澶州臨河縣西南四十步今開州地 大清

一統志 或云在今濮州九域志載鄆城縣有毛傳前高後下曰

旄丘

王雪山云旄丘上丘之多草木者也星名旄頭言光芒多冠亦名旄頭言羽毛多

瑟彼泉水亦流于淇泉水一名肥泉水經注淇水又東右合泉

源水水有二源一水出朝歌城西北東南流老人晨將渡水而

沈吟難濟紂問其故左右曰老者髓不實故晨寒也紂乃於此

斲脛而視髓也

袁宇記陽河水即紂斲朝涉之脛處

其水南流東屈逕朝歌城南

晉書地道記曰本沫邑也又東與左水合謂之馬溝水水出朝

歌城北東流南屈逕其城東又東流與美溝合水出朝歌西北

大嶺下

案此即二源之一

東逕朝歌城北又東南流注馬溝水又東南

注淇水為肥泉也衛詩曰我思肥泉毛注云同出異歸為肥泉

爾雅曰歸異出同曰肥釋名曰本同出時所浸潤水少所歸枝散而多似肥者也犍爲舍人曰水異出流行合同曰肥今是水

異出同歸矣案朝歌故城在今淇縣東北何元子云爾雅及劉熙皆以出同歸異爲

肥肥神道元引犍爲舍人乃以出異歸同爲肥將焉適從考肥泉入淇之後淇水遂分爲二其一爲舊淇水地理志謂淇水出只東至黎陽入河者是也其一爲清河水經謂東北過漂榆邑入于海者是也然則所謂同出異歸或以是故未可知矣淇

水出今河南彰德府林縣大號山此本水經也漢書地志云出

縣西北沮洳山皆指今衛輝府輝縣齊次風水道提綱云淇水

出今山西平順縣南陵川縣東之高山所山二澗合曰漸水東

北流有花瓶水自南來會又東北有壅水來會又東有盈盈水

西北自平順東南來會東流入林縣南境又東南經淇縣西北

有淇泉自西南來注之經淇縣西北又經淇縣東境又東南會衛水衛水

源於小丹河丹水由山西潞安府南山發源至河南懷慶府北境之方山分支爲小丹河經溫縣武涉縣北又經

修武城

東南至獲嘉縣合河鎮之北有百泉水自北來會

水出輝縣蘇門山

始名衛河東南流經新鄉城北又東北至衛輝府城之西南折

而北流至淇縣東南境淇水自北來會古泉水在北淇水在南

此百泉水在淇水南

此百泉或謂即左傳定十四年之百泉案杜氏於百泉原無注俗本添入鄭地二字

誤也杜氏春秋釋例乃非詩之泉水也

詳水道提綱案今衛水出淇縣西南之輝縣北

列之晉地而未詳所在流會淇水與水經注所云泉源水出朝歌西北而東南注淇者

白異呂氏大臨謂泉水即衛州其城之百泉近日趙氏一清釋

水經注謂泉源水即今衛河道元詳其水而逸其百並誤復案

讀史方輿紀要謂陽河在淇縣西南三里自輝縣東流經縣界

東入衛河肥泉在縣東乾隆府廳州縣志謂陽河即肥泉東南

流入淇水縣境美溝水注淇其說糾紛皆與水經注不合大抵

水道不免遷移各稱又復相亂古之泉源不可復識矣九域志

於大名府莘縣濮州

觀城縣並載有泉源河莘縣今屬東昌府

府存之以俟攷

濮城縣今屬曹州

出宿于沛飲餞于禰沛鄭箋謂所嫁國適衛之道所經朱傳

謂皆自衛來時所經之處二說互異以鄭爲長沛水名卽濟也

漸濟字同今俗所謂大清河卽濟水也禹貢蔡傳濟水出河東垣曲縣王屋山至青州博興縣入海今垣曲縣屬絳州博興縣

屬青州府水經注南濟逕宛句故城南又東北逕定陶故城南北濟

逕宛句故城北又東北逕定陶故城北禰亦水名九域志曹州

宛句縣有禰溝寔宇記宛句縣大禰溝一名宛水詩曰飲餞于

禰卽此也案大禰溝在今曹州府荷澤縣西南二十里宛句故

城亦在縣西南

詩地理攷引漢志東郡臨邑有沛廟案漢臨邑故城在今泰安府東阿縣北宛句爲沛水所經

又有禰溝似不必遠引臨邑之沛廟若據沛在臨邑則臨邑遠衛更當從鄭箋以沛禰爲所嫁國適衛之道所經矣

出宿于干飲餞于言干言鄭箋朱傳並云適衛所經之地漢書

地志東郡發干縣詩地理攷引曹氏說以為即詩所謂干發干

城一名竿城後漢志東郡衛縣有竿城注云前書故發干城在今山東東昌府堂邑縣

西南又今大名府開州有干城州北有干城村又清豐縣志干城在縣西北三十里又隋

志九域志並載邢州內丘縣有干言山水經注泚水又東南經干言山寰宇記

證以詩出宿于干飲錢于言干言山在今順德府唐山縣西北

李公緒云栢人縣有干山言山栢人即今唐山縣此以干言為二山與諸地志說異或謂干言本二山因二山相連故合為一

名 大清一統志於開州干城則引詩於唐山縣干言山則引

寰宇記蓋兩存也今案上文涕瀾乃衛都東境堂邑開州亦在

衛都東此詩在新臺前蓋宣公以前之詩時衛都在今濬縣二地近是惜言未詳爾順德

唐山乃衛之北境於地理不合



我思肥泉肥泉即泉水見前

思須與漕水經注濮水東逕須城北即詩思須與漕案須城在

今滑縣東南

詩地理攷以須城爲漢須昌縣恐誤漢須昌縣故須句國宋須城縣也爲東平郡治即今東平州治

詳後漕見前

自牧歸荑牧毛傳訓田官鄭箋訓牧田

義本周禮

朱傳訓外野

義本爾雅

王雪山以爲衛地名引左傳隱五年杜注爲據案牧當即牧野

也見後

新臺有泚水經注鄆城有新臺

云河水東逕鄆城北故城在河南十八里河之南岸有新城北

岸有新臺鴻基層廣衛宣公所築新臺矣詩齊姜所賦也

寰宇記新臺在鄆城縣北十七里

北去河四里鄆城今曹州府濮州也

故鄆城在州東二十里

後漢郡國志

注新臺在陽平縣北

郡國志東郡陽平縣有莘亭注云杜預注傳曰衛作新臺在縣北衛殺公子伋之地

故曰待諸莘

陽平今東昌府莘縣也李迂仲云新臺臨河澶州遺趾

尙存澶州今大名府開州也又寰宇記與地廣記並云開德府

觀城縣有新臺卽今曹州府觀城縣也未知孰是

王雪山云衛城臺女臺三

女臺皆在河側所至地名不論虛實真偽多相承爲稱

邨新臺云河水瀾瀾邨栢舟云在彼中河衛碩人云河水洋洋

河廣云誰謂河廣案禹貢導河東過洛汭至于大伾北過泲水

至于大陸大伾山一名黎陽山在今河南衛輝府濬縣東南二

里括地志大伾山今名黎陽東山在衛州黎陽南七里元和志大伾山正南去黎陽縣七里卽黎山也寰宇記說同書蔡傳

大伾孔氏曰山再成曰邳張揖以爲在成皋鄭元以爲在修武武德臣瓚以爲修武武德無此山成皋山又不再成今通利軍

黎陽縣臨河有山蓋大伾也大清一統志從蔡說府屬衛境

州縣志從張說云大伾山在汜水縣西北一里舊成皋地

瀕河故詩屢言之又自大伾以下河向北流故云河水洋洋北

流活活也澤水在今直隸冀州大陸澤跨今直隸保定府東鹿

河自過洛河以下東北逕新鄉縣至滑縣之大伾折而北行灤

為二渠其一東北行由朝城至高唐州會漯水又東北至蒲臺

利津入海其正支由清豐而北衛河自西入之又北過冀之澤

水至大陸復折而東北播為九河此三代以前河之故道也周

定王五年河始改徙至漢武元光三年河決濮陽瓠子注鉅野

通淮泗塞決復壞遂用田蚡天事之言不塞而河遂漸南至東

漢永平時德棣之間河播為八自此入宋初河由千乘入海無

大決溢之患建紹後河決入鉅野時淮僅受河之半金之亡也

河自衛州決入渦河以入淮元時決原武明洪武二十四年復

決原武之黑羊山由潁入淮本朝雍正元年決中牟亦由潁

入淮此後世河流遷徙之道也咸豐五年六月決蘭陽界經東

明鄆城之西長垣開濮二州范縣壽張之東橫絕運河入大清

河至利津縣牡蠣口入海一

支漫入徒駭河畧復故道

詩也里改路

卷之一

古

二子乘舟朱傳乘舟渡河如齊也左傳載衛侯使伋子如齊使盜待諸莘將殺之壽子載其旌以先杜注云莘衛地陽平縣西北有莘亭水經注京相潘云陽平縣北十里有故莘亭自衛適齊之道也縣東有二子廟猶謂之孝祠案莘亭故城在今東昌府莘縣北

沫之鄉矣沫衛邑

詩地理攷黃氏云沫水在衛之北

書作妹所謂明大命於妹

邦是也近紂都朝歌之地

書孔傳妹邦紂所都朝歌以北案路史沫武丁遷之在朝歌故城南近紂

都水經注亦言沫邑在朝歌城南說詳前與孔傳異

在今衛輝府淇縣

地理今釋今衛輝府淇縣北有沫鄉

則我乎桑中後漢書郡國志東郡濮陽縣注云縣城內有顓帝

塚皇覽曰塚在城門外廣陽里中博物記曰桑中在其中案濮

陽城在今開州西南

記云桑間濮上之音亡國之音也此指紂

桑間音亡國之音於此水出也昔紂使師延作靡靡之樂已而

自沈於濮水後師涓過焉夜聞而寫之爲晉平公鼓之是之謂

也其說本之史記樂書及韓非子十過篇又鄭注云桑間在濮

陽南詩孔疏云譜云東至兗州桑土之野今濮水之上地有桑

間濮陽在濮水之北是有桑土明矣然則桑中與桑間同爲一

地何元子引郡國志注而曰疑此即桑間也若詩之桑中乃在

朝歌今之衛輝府是也說屬臆度全無證據高氏士奇

謂桑中在今淇縣蓋即本何氏桑中在朝歌之說耳

要我乎

上宮通典衛州衛縣有上宮臺案上宮臺在今衛輝府濬縣西

寰宇記云上宮在宛城東二里南臨淇水宛城在今濬

縣西又云濮陽縣有上宮濮陽今開州也蓋二說並有

淇之上矣淇水見前洙與桑中上宮淇上相距皆不遠詩故連

及之

升彼虛矣毛傳虛情虛也

虛同墟孔疏文公自漕徙楚上故知

升漕虛蓋地有故城高可登之以望

潛見前案管子大匡篇狄人伐衛衛君出致於虛注云虛地名此當指戴公廬潛事

望楚與堂楚楚丘也見前毛傳楚丘有堂邑寰宇記堂水在楚丘縣北四十里從單州成武縣入界南行五里合泡溝詩云望

楚與堂也楚丘縣今曹縣地詩地理攷傳氏云堂當是博州堂邑博漢二州連境案堂邑今東昌府堂邑縣距楚丘甚遠當從寰宇記

景山與京毛傳景山大山京高丘也水經注黃河支溝自己氏大清一統志楚丘故城在曹縣東南漢置己氏縣屬梁國又北逕景山東卽詩所謂景山

與京陟彼景山左傳言湯有景亳之命是也案鄭氏此說蓋以縣東南之景山在商上縣北考城縣東北詳後景亳注寰宇記楚丘縣景山在縣北三十

八里高四丈京岡在縣北三十里高一丈詩云景山與京也九

域志楚上縣有景山京岡案大清一統志景山在曹縣東南

四十里

顧亭林以此為景毫為商頌景山非衛詩景山

又寰宇記景山在澶州衛南縣

東南三里今滑縣地

宋澶州治濮陽縣其西南距滑州一百五里雍熙四年以滑州衛南縣來隸衛南在

滑縣元和志隋置楚上縣屬滑州後改衛南本漢濮陽地

在浚之郊浚衛邑見前

瞻彼淇奧淇見前奧毛傳訓隈

說文隈厓也其內曰澳其外曰隈

陸璣以為水

名案水經注泉源水

見前博物志謂之奧水

後漢志注引博物記云奧水流入淇水有

絲竹草案博物記即博物志張華所著今世傳本蓋刪本也

送子涉淇至于頓丘毛傳丘一成為頓丘

爾雅作敦丘郭璞注成猶重也今江東呼

地高堆者為敦漢志東郡頓丘縣師古注以丘名縣 大清一統志大

名清豐縣西南衛輝洛縣界有頓丘城宋熙寧六年省頓丘縣入清豐高氏士奇云清

豐縣西南二十五里有廢頓丘在內黃之東乃元魏太和中所

置之頓丘非古頓丘也古頓丘約畧在濬縣之境內黃之西說

詳春秋地名攷畧乾隆府廳州縣志 水經注淇水右合宿胥故

於清豐縣濬縣並載有頓丘城云

瀆瀆受河於頓丘縣遮害亭東黎山西北蘇代曰決宿胥之口

魏無虛頓丘即指是瀆也淇水又北逕白祀山東厯廣陽里逕

頓項冢西又北屈而西轉逕頓丘北故鬪駟云頓丘在淇水南

詩所謂送子涉淇至于頓丘者也魏徙九原西河土軍諸胡置

土軍於丘側故其名亦曰土軍也又北屈以下舊刻訛在前右台泉源水之上且土軍訛作

五軍近世

庫本俱正定 又屈逕頓丘縣故城西古文尚書以為觀地矣蓋



太康弟五君之號曰五觀者也

案觀古國名昭元年左傳夏有觀扈漢置時觀縣屬東郡後漢

更名衛縣以封周後郡國志衛公國本觀故國姚姓杜預云觀今頓丘衛縣隋置觀城縣屬魏州元明屬濮州今屬曹州府古觀國城在縣西又案毛大可謂衛有三頓上一名五軍在淇水南一名五觀在伊上宿胥口一名帝上帝頓聲轉亦近洪帝王世紀所謂頓頓葬帝尸城者今以水經注核之其說全無據

乘彼坻垣以望復關朱傳復關男子之所居李迂仲云復關關

名案寰宇記澶州臨河縣復關城在南黃河北岸也復關堤在

南三百步今大名府開州西有復關堤爲古黃河岸

漢元光三年河徙頓

上東南流既而決穆子今穆子故城在開州西南二十五里

泉源在左淇水在右泉淇詳前水經注云衛女思歸指以爲喻

淇水左右蓋舉水所入爲左右也呂氏大臨云淇水出林慮縣

東流泉水自西北來注之左右蓋主山而言衛之山東面故以  
北爲左南爲右

論曰宣公烝淫臣下化之故衛風有桑中靜女諸詩卒至伋壽  
相率以死其禍烈哉宣姜爲宣所娶已不足道後又烝於頑天  
理盡喪矣衛不再造何以爲國然則狄人之難天所以蕩淫穢  
也詩載定之方中於鶉奔後其卽此意乎漢志云衛地有桑閒  
濮上之阻男女巫聚會聲色生焉故俗稱鄭衛之音周末有子  
路夏育民人慕之故其俗剛武上氣力漢興二千石治者亦以  
殺戮爲威宣帝時韓延壽爲東郡太守崇禮義尊諫爭至今東  
郡號善爲吏延壽之化也

王

王王城平王之都也

詩地理攷吳氏云王謂王城之地王人王

地詩則皆周詩如邶鄘衛之爲三魏唐之爲二其詩所成王命從得之地不同其發於聲者不一故本其地而繫之也

周公營洛邑王城以爲朝會地謂之東都所謂卜澗水東澠水

西是也在今河南府治洛陽縣西北

括地志故王城一名河南城本郊鄆周公新築在洛

州河南縣北九里苑內東北隅或云今洛陽縣城內西偏卽其故趾又營成周

遷殷頑民居之謂之下都所謂卜澠水東是也在今洛陽縣東

北二十里

括地志洛陽故城在洛州洛陽縣東北二十六里周公所築卽成周城也與圖備考洛陽故城在河南府

城東洛水北東漢西晉後魏皆都此至幽王嬖褒姒生伯服廢申后太子宜臼宜

臼奔申

此據國語及鄭譜也史記未詳申侯怒與犬戎攻宗周弑幽王史記謂殺於驪

山下鄭譜謂殺於戲者本國語也案驪山在今西安府臨潼縣戲水出驪山之鳴谷流經戲亭陶王死所也元和志古戲亭在京兆府昭應縣東北三十里周幽王為犬戎所逐死於戲幽王陵在縣東北二十五里晉文侯鄭武公迎

宜曰於申而立之都王城是謂平王自平王以下十二王皆都

焉平王東遷之後稱王城為周稱鎬京為宗周至敬王乃都成周成周在東王城在西其時稱王城為

西周稱成周為東周故公羊傳云王城者西周也至赧王又居王城赧王時周分為二赧王居王城為西

周考王弟桓公之孫始為秦所滅其畿內之地方六百里漢地理志

初雒邑與宗周通封畿東西長而南北短短長相覆為千里至襄王以河內賜晉文公又為諸侯所侵故其分墜小師古注宗

周鎬京也方八百里為方百里者六十四雒邑成周也方六百里為方百里者三十六二都得百里者百方千里也在禹

貢豫州太華外方之間太華山在今陝西同州府華陰縣外北方即嵩山在今河南河南府登封縣北

得河陽信二十八年杜注河內有河陽縣今懷慶府孟縣漸冀州之南也河內今河南懷

慶二府地

春秋大事表懷慶所屬之縣原武屬鄭源修武孟縣溫縣屬晉王所有者河內武涉而已

不與我戍申申故城在今南陽府治南陽縣北

縣北二十五里有故申城漢地

理志南陽郡宛縣有申伯國杜預亦云申國在南陽郡宛縣宋南陽縣屬鄧州為中國都宋信陽軍治今信陽州為申國地故

朱傳謂申在鄧州信陽軍之境

不與我戍甫甫即呂也

呂刑禮記作甫刑唐世系表宣王時改呂為甫

其故城在今南陽縣西

縣西三十里有故呂城呂氏春秋呂在宛縣西伯夷主四嶽之祀佐禹有功氏

曰有呂案呂有因在今南陽一也在今汝寧新蔡二也後漢郡國志汝寧郡新蔡有大呂亭地道記故呂侯國路史蓋後來之

呂近申在今山西霍州三也路史霍州亦曰呂武德初為呂州在今山東莒州四也路史注引博物記曲海城有東呂鄉東呂

里太公望所出也寰宇記莒縣東一百六十里漢曲海城不與我戍許許今許州也

武王始封文叔

於許春秋成十五年靈公遷葉其故城在今南陽府葉縣南時許之舊國為鄭所有襄十一年左傳稱諸侯伐鄭東侵舊許是

也昭九年許悼公遷夷實城父今亳州東南七十里有城父故城十一年又遷析實白羽今南陽府內鄉縣西北有析縣故城

定四年許男斯遷容城應劭云容城卽華容城今監利縣西北  
華容故城是也或曰容城在葉縣西高氏士奇顧錫山並從後  
說自文叔至莊公十一世始見三國皆姜姓伯夷之後國語云  
春秋凡二十四世爲楚所滅  
齊許申呂由太姜案周語云胙四岳國命爲侯伯賜姓曰姜氏  
也史遷本此故於齊世家則云先朝爲四岳佐禹平水土有  
功於陳杞世家則云伯夷之後封齊昭注齊語謂伯夷爲堯  
四岳及注鄭語又謂伯夷四岳之後封齊昭注齊語謂伯夷爲堯  
帝咨四岳有能典朕三禮僉曰伯夷則四岳非卽伯夷可知豈  
舉伯夷典禮之四岳爲伯夷之族其後伯夷亦嘗繼爲四岳歟  
但周語稱四岳爲其之從孫而外紀則云垂爲共工生伯夷爲  
舜四岳路史又云堯生伯夷伯夷生太岳並與國語異且虞書  
國語史記稱四岳左氏稱太岳者太者尊辭太岳卽四岳故杜  
注云太岳神農之後堯四岳而虞書紀四岳各辭有僉曰之文  
路史注疑其言僉非一人又疑太岳爲四岳之長亦非無見惜  
經傳無明文不可考矣書孔傳崔東壁云申與甫許皆楚北出  
以四岳爲義和四子恐不可據  
之衝而申倚山據險尤爲要地楚不得申則不能憑陵中原侵

擾畿甸是以城濮還師楚子入居于申鄢陵救鄭子反帥師過申申之於楚猶函谷之於秦也宣王之世荆楚漸強故封申伯於申以塞其衝平王之世楚益強而申漸弱不能自固故發王師以戍之耳非以申爲舅故而私之也不然戍申足矣戍甫戍許何爲者或曰爲申同姓故也曰申與齊許紀甫皆姜姓也齊滅紀又滅許以與鄭而晉亦滅虞虢焦滑霍揚韓魏同姓之國且自相滅矣况於母家之同姓而平王乃有是推烏之愛乎蓋甫卽呂也楚子重請取申呂以爲賞田巫臣曰此申呂所以邑也是以爲賦以禦北方若取之是無申呂也晉鄭必至於漢然則申呂二國皆楚北衝惟許地稍近內然楚師度申呂而北則

必經許是以齊桓得許則能伐楚而至召陵晉文踐土之盟不  
得許則於盟後汲汲率諸侯以伐之晉霸既衰許折而入於楚  
始以爭鄭爲事耳由是言之平王之戍三國非私之也謂平王  
之戍申爲私其舅則宣王之封申亦爲私其舅乎謂平王之戍  
甫許以申同姓故則宣王之城齊亦以申同姓故乎惜乎說經  
者不考時勢而但以己意度之也

縣葛藟在河之滸案禹貢導河又東至于孟津東過洛汭孟  
津在今河南懷慶府孟縣

地理今釋孟津卽今河陽渡又  
名富平津在孟縣南十八里

洛汭

蔡傳謂汭水交流之內在河南府鞏縣之東卽今河南府鞏縣  
也東周之地爲河水所經故詩以爲言



彼畱子嗟毛傳畱大夫氏子嗟字也子國子嗟父孔疏毛時書籍猶多或有

所案畱以邑為氏畱本檜邑後為鄭地公羊傳先鄭伯有善乎

檜公者通乎夫人以取其國而遷鄭焉而野畱在漢為陳畱郡

陳畱縣孟康云畱鄭邑也後為陳所并故曰陳畱臣瓚云宋亦有畱彭城畱是也畱屬陳故稱陳畱今開封

府陳畱縣是也陳畱故城即今縣治若漢彭城郡畱縣乃襄元年前傳侵

宋呂畱之畱後為子房封邑在今江蘇徐州府沛縣或以彭城

之畱為畱子國之畱誤路史鐙妖姓畱也丘中有麥彼畱子國者隸彭城子房之封有廟墓今徐之畱

城鎮有畱鄉畱故城世作卯金刀謬也路史注說文無劉字春秋劉康公故只作鐙纂古亦作鐙

論曰犬戎攻周弑幽王據豐鎬之地後數十年秦文公始逐戎

而取之其時遷都王城勢使然也蘇氏以東遷咎平王言使平

王定不遷之計收豐鎬遺民以形勢臨諸侯齊晉雖強未敢貳也其說過矣

鄭櫓

宣王封母弟桓公友於西周畿內咸林之地咸林即襄十四年左傳之咸林時為

秦地若襄十六年是為鄭在漢京兆鄭縣今陝西同州府華州

也州北有鄭縣故城州西三里有鄭桓公墓幽王為犬戎所弑桓公死之其子武公

掘突定平王於東都得號櫓鄆蔽補丹依疇愿華十邑號東號也在今

汜水縣鄆今鄆陵縣蔽補丹依疇愿未詳疇任姓國也史記正義云故華城在鄭州管城南三十里國語作噪華作莘而

遷國於櫓此鄭譜說也班固漢志韋昭國語注說同史記謂號

文侯二年王子多父伐鄆克之乃居鄭櫓國語作鄆漢志作會父之丘名之曰鄭是為桓公並與此異

路史作儉以澮水得名

澮水出密縣古鄆城西北即澮水也一名少水見左傳

在禹貢豫

州外方之北

此據鄭譜說案水經注引徐廣云鄆在密縣不得在外方之北也

榮波之南

地理今釋

榮波即榮澤在今開封府

居澮洧之間高辛氏火正祝融之墟

姁姓之國

鄭譜祝融氏名黎其後入姓唯姁姓檜者處其地焉

今開封府密縣也

縣東北有古鄆

城案鄭譜

云檜國北鄰於號號在今汜水縣正當密縣之北檜

都在密縣明矣括地志謂故鄆城在新鄭東北二十二里寔字

記通志路史並謂新鄭東北三十五里有

古鄆城朱傳又謂檜在鄭州皆不足據

後鄭武公處其地仍

鄭舊號是為新鄭

韋昭國語注武公取十邑之

今開封府新鄭

縣也

大清一統志新鄭縣周初為檜國春秋

與檜異都

漢志郡密縣故國有大馳山新鄭縣詩鄭國鄭桓公之子武公所國

孔疏鄆譜云居澮洧之地鄭譜云食澮洧焉則鄭都在鄆地故

服虔云鄭東鄭古鄆國之地是鄭雖處其地不處其都信三十

三年左傳稱文夫人葬公子瑕于鄆城之下服虔云鄆城古鄆

詩地理攷略

卷之一

三

國之墟杜預云鄆國在滎陽密縣東北新鄭在滎陽苑陵縣西

南是鄆非鄆都故別有鄆城也但二城不甚相連案密縣故城

在今密縣東南三十里苑陵故厲公突與昭公忽爭國居櫟春秋

城在今新鄭縣東北三十里杜注櫟鄭別都今禹州也陽翟故城即今州治水經注潁水東

河南陽翟縣國故武王至周曰吾其有夏之居乎遂居洛邑春秋鄭伯

突入于櫟宋忠曰今陽翟也周末韓景侯自新鄭徙都之其國

境則有開封府與許州之地而及於陳州莊二十八十年桐上懷

慶信二十八年衡雍成河南襄十一年亳歸德莊三年滑襄元

諸府界武公後二十三世韓滅鄭自平陽遷都焉詩地理攷吳

衰襄而季札觀樂乃曰泱泱乎大風也哉鄭美武公父子而札

乃曰其細已甚曰大曰細自其土地風氣之發於音詩云齊詩刺

而非繫乎辭也

將仲子兮毛傳仲子祭仲也左傳杜注陳甯長垣縣東北有祭

城今直隸大名府長垣縣也

水經注長垣縣有祭城祭仲之邑高氏士奇云或者但知長垣近衛

鄭不能有不知列國儲壤甚多長垣之旁有滑鄭衛日爭之然則長垣亦鄭衛相接之地耳

又括地志故祭

城在管城東北十五里鄭大夫祭仲邑管城今開封鄭州也

北州

二里有

祭城在州東北

鄭都新鄭在今開封城西一百四十里南至新鄭

縣界三十五里鄭州之祭宜為仲子采地路史以為周祭伯采地恐誤或疑鄭并祭以封仲亦非莊二十三年祭叔猶來聘祭未嘗滅也或謂今開封府東北十五里有祭伯城為周祭伯采邑或又謂今開封中牟縣之祭城周祭伯邑也即成四年祀祭之祭其時已入於鄭矣

叔于田叔段封京左傳杜注京滎陽京縣今開封府滎陽縣東

南有京縣故城

史記漢二年楚與漢戰滎陽南京索間應劭後云京縣名隋書地理志後齊省京縣入滎陽後

出奔其故稱其叔杜注其國汲郡其縣今衛輝府輝縣也

其縣故城

卽今輝縣治縣北九里有共山一名共北山爲路史以杜注爲

周共伯和之國杜氏春秋釋例列之小國類

非謂叔段別有其邑然不能確指其地

清人在彭清邑名在今開封府中牟縣左傳杜注中牟縣西有

出清陽亭西南平地東北流逕清陽亭南東流卽古清人城也

清水又屈而北流至清口澤大清一統志清池廢縣在中牟

縣西本古清陽亭唐書地彭地名毛傳衛之河上鄭之郊也孔

理志武德四年置清池縣

郊謂二王雪山疑爲昭二十五年左傳盟於彭水之彭衛侯與北

國郊境王雪山疑爲昭二十五年左傳盟於彭水之彭宮喜盟於

彭水之上王氏詩總案彭水出今魯山縣東南彭山逕寶豐縣

開引此誤作常喜

入滎水至舞陽縣會汝水未知卽詩之彭否水經注以彭爲高

克邑亦恐未然清人在消清人在軸消軸毛傳並訓河上地未

詳所在

溱與洧方渙渙兮士與女方秉簡兮案溱水由今開封密縣至

新鄭入洧水洧水由今密縣東南流經新鄭縣南門而東流俗

謂之雙洎河

杜預云洧水出密縣東南至長平入潁長平今陳州府西華縣也水經注洧水出河南密縣西南馬

嶺山東

逕密縣故城南春秋謂之新城左傳僖公六年會諸侯

伐鄭圍新密

鄭所以不時城也又東南流洧水注之又東南逕

鄆城南

又東逕新鄭縣故城中帝王世紀云或言縣故有熊氏

之墟黃帝之所都也

洧水又東爲洧淵水春秋傳龍鬬洧淵即

此澤也

今洧水自鄭城西北入而東南流逕鄭城南洧水出鄆

城西雞絡塢下

東南流歷下田川逕鄆城西又南注于洧詩所

謂溱與洧者也

說文溱作洧云洧水出鄭溱水出桂陽韓詩傳三月桃

花水下之時眾士與眾女方執蘭而被除辟君韓詩章句鄭國

之俗三月上巳之溱洧兩水之上招魂續魄祓除不祥故時人

願與所悅者俱往也王雪山云左氏龍鬬鄭時門之外洧淵時

門鄭南門也今洧水自鄭城西北入而東南流逕鄭城之南門  
蓋洧占鄭都城內外爲多故此言洧亦多洧之內則城內洧之  
外則城外也毛大可云溱水出鄆城西北經鄆城入洧洧水出  
陽城山與溱水合然後同自西北入新鄭城迤邐入潁則溱洧  
雖二水而已合爲一矣故前可並稱曰溱與洧其下即可曰洧  
之外案水經注云今洧水自鄭城西北入而東南流逕鄭城南  
王雪山說同蓋在當時二水流入縣城中今乃流經縣城  
南門外也毛大可說亦據古時水道而言耳府廳州縣志云洧  
水自河南登封縣流入密縣南又東逕新鄭縣北入許州長葛  
縣界溱水在密縣東北南流至新鄭縣合洧水洧或作鄆俗又  
作溱洧洧南水合流而東爲雙洎河後洧水獨盛溱水漸微今  
洧縣境案東逕新鄭縣  
北字當是南字之誤

論曰漢志稱鄭土陘而險山居谷汲男女亟聚會故其俗淫鄭



風云士與女方棄聞兮惟士與女伊其相諱此其風也愚攷富  
辰思數諸國之亡曰檜由叔妘釋者謂檜以同姓之女爲夫人  
公羊傳又言先鄭伯有善乎檜公通乎夫人以取其國檜殆以  
淫亂而召亡歟檜都處濛洧之間厥後士女于二水上相贈相  
離亦踵其遺習也夫上之感人也易入其決人也甚深積習相  
沿經久不變非獨鄭然也觀諸國已成之迹豈或爽乎

### 齊

齊少昊時爽鳩氏之墟太公受封之國

鄭譜武王封呂望於齊地方百里成王廣大邦

國之境而齊受上公之地更方五百里漢地志周成王時薄姑與四國作亂成王滅之以封師尚父師古注云武王封太公於齊初未得爽鳩之在禹貢青州境內今山東青州濟南武定三

地成王以益之也

府案紀國之都在壽光杞遷緣陵在昌樂杞都淳于在安丘紀  
諸亦在焉青州一兗州魯縣縣東北泰安桓三年蘇在泰安  
府不盡為齊地

十八年平陰防門京茲在平陰巫山在肥城莊十三年柯東昌  
北杏僖二十六年鄭文十一年周首十六年鄭丘在東阿  
襄二十五年重丘昭二十年聊曹州襄二十六年沂州隱六年  
攝在聊城成十七年清在堂邑

年堂阜萊州襄十八年到諸府之界皆其地也太公初都營丘  
在蒙陰萊州棠在卽墨  
爾雅水出其左營丘郭注云今在今青州臨淄縣漢地志齊郡  
齊之營丘淄水過其南及東

父所封臣瓚云臨淄卽營丘今齊之城內有丘卽營丘也五世  
應劭分臨淄營丘為二云獻公自營丘徙都臨淄誤矣  
孫胡公徙都蒲姑蒲一作薄今青州博興縣縣東北有蒲姑故城路

姑在青之博興又今青州諸城縣有漢姑幕縣故城漢後獻公  
地志注水經注及通典皆云古薄姑氏國路史以為非  
復都臨淄史記齊世家哀公之弟胡公徙都薄姑周夷王之時  
哀公同母少弟山殺胡公而立是為獻公因徙薄姑

都治臨淄而大雅烈民詩城彼東方毛傳又鄭譜云其封域東以爲宣王時自薄姑遷臨淄與史記異詳後

至海西至河南至穆陵北至無棣穆陵在今青州臨朐縣南一

百五里有穆陵關在大岷山無棣今直隸天津府鹽山慶雲二

上九域志臨朐有穆陵鎮縣地伏珠齊地記云無棣在渤海高城高城今鹽山也寰宇記

無棣故城大典並云鹽山縣木春秋無棣邑今慶雲縣東有無棣鎮

開皇六年分陽信饒安二縣地置無棣縣於此又史記索隱云

淮南有故穆陵門無棣在遼西孤竹蓋言征伐之域非太公受

封所至元和志因之遂云穆陵關在淮南道黃州麻城縣西北

穆陵山上今案左傳穆陵無棣杜注云皆齊境索隱元和志恐

不足據復案無棣河自今天津南皮縣境流逕滄州南又東逕

鹽山慶雲二縣入山東海蓋天津之鹽山慶雲與武定之海豐

豐縣界齊地本以水名爲鄰海豐亦隋亦齊境方輿紀要今自山東青州府以西至濟

諸州東南則際昔太公始封周公問何以治齊太公曰舉賢而

於海皆齊分也

上功周公曰後世必有篡弑之臣其後二十九世為強臣田和所滅

子之還兮還齊詩作營即營丘也營丘詳前

漢志臨淄名營丘齊詩日子之營兮

師古注毛詩作還齊詩作營曹氏梓中云說者以茂也昌也皆地名

遭我乎獠之間兮毛傳獠山名說文獠山在齊地案獠山在今

臨淄縣南十五里

獠漢志作嶠師古注言往適營丘而相逢於嶠山也

俟我於著乎而漢志引詩師古注著地名濟南郡著縣案漢著

縣故城在今濟南府濟陽縣西南

南山崔崔毛傳釋南山凡三於召南陟彼南山云周南山於曹

南山朝隤云曹南山於此云齊南山周南山見前曹南山見後

齊南山當卽牛山牛山在今臨淄縣南十里水經注淄水逕牛

山西又東逕臨淄縣故城南東得天齊水口水出南郊山下謂

之天齊淵五泉並出山卽牛山也左思齊都賦曰牛嶺鎮其南

者也齊之爲名起於此矣

後漢志注引孟子注云南小山曰牛山

齊子歸止案春秋魯莊二年夫人姜氏會齊侯于禚四年夫人

姜氏享齊侯于祝丘五年夫人姜氏如齊師七年夫人姜氏會

齊侯于防又會齊侯于穀禚杜注齊地證以定九年齊侯致禚

媚杏于衛當爲齊魯衛界地或曰在今長清縣境

春秋地名攷畧及大事表

祝丘杜注魯地漢志卽丘縣孟康注春秋時之祝丘今沂州府

東南五十里有卽丘城

寰宇記漢卽丘縣城春秋之祝丘也祝與卽齊魯之音其實一焉

防杜

注魯地高平昌邑縣西南有西防城在今兗州府金鄉縣西穀

杜注齊地濟北穀城縣今山東泰安府東阿縣治故穀城也

汶水湯湯汶水在齊南魯北之境

案汶水出今山東泰安府萊蕪縣其源非一合流於泰安

縣之靜安鎮謂之大汶又有小汶出新泰縣官山之下至徂徠山南入大汶汶水舊由安民亭合濟水東北入海自明永樂九年於東平州東六十里築戴村壩盡遏汶水出南旺南北分流南流達於濟孟州會沂泗諸水以入淮北流達於臨清州會衛諸水以入海復案汶有二山今泰安者徐州之汶也

也出今青州臨朐縣沂山流入濰水者青州之汶也

魯道有蕩水經注汶水南逕鉅平縣故城東西南流城東有魯

道詩所謂魯道有蕩今汶上夾水有文姜臺案今泰安府治泰

安縣西南有鉅平故城汶陽之田在其地蓋齊魯之界

鄭箋釋而山云

文姜從此道嫁於魯侯釋戴驥云襄公疾驅其車以入魯境魯之道路平易文姜發夕由之往會焉孔疏云知入魯境者以下

言汶水湯湯魯在汶側水北曰陽僖元年左傳稱公賜季友汶陽之田當齊襄公時汶水之北尙是魯地故知入魯境也

論曰富強之國必流於驕侈觀於還兮詩以射獵捷便相誇良有以矣國語稱襄公田狩畢弋不聽國政然則此詩亦作於其時乎及讀南山詩又慨然久之史記云吾適齊自泰山屬之琅邪北被於海膏壤二千里其民閑達多匿知其天性也太公之聖建國本桓公之盛修善政以爲諸侯會盟稱伯不亦宜乎洋洋乎固大國之風也漢志云太公以齊地負海舄鹵少五穀而人民寡乃勸以女工之業通魚鹽之利而人物輻湊後十四世桓公用管仲設輕重以富國合諸侯成伯功身在陪臣而取

三歸

師古云三歸三姓之女

故其俗彌侈桓公兄襄公淫亂姑姊妹不嫁

於是令國中民家長女不得嫁名曰巫兒為家主祠嫁者不利其家民至今以為俗痛乎道民之道可不慎哉

魏唐

魏舜禹所都之地在禹貢冀州雷首之北

此本鄭譜案水經注故魏國城南西二面

並去大河可二十餘里北去首山十餘里處河山之閒土地迫隘故魏風著十畝之詩據此魏國不在雷首北而在雷首南矣

毛大可亦據水析城之西

析城山在今山西澤州陽城縣西北

南枕河曲

文十二年杜注

河曲在河東蒲坂縣今山西蒲州府城外東南隅有蒲坂故城

北涉汾水今山西解州芮城縣

也芮城縣漢為河北縣其故城在今芮城縣北里許一名周以

封同姓

襄二十九年左傳虞虢焦滑霍陽韓魏皆姬姓

後為晉獻公所滅以賜畢萬

班固

云獻公滅魏以封畢萬曾孫絳徙安邑又云自畢萬後十世稱侯至孫稱王徙都大梁七世為秦所滅

畢萬畢公



高之後畢公左氏謂又之昭通志以為文王第十五子也史記

北今陝西西安府咸陽縣北五里有畢原或謂周初之封亦為畢公後誤也此劉氏

魯詩世學云畢公始封為畢伯成王進為魏侯晉滅魏畢萬降晉為大夫復封於魏尤無稽陳氏啟源已詳辨之唐帝

堯舊都之地在禹貢冀州太行恒山之西太行詳前太原傳高

平曰太原今太岳即霍山在今之野鄭譜堯始居太原晉陽後

以爲郡名唐城在并州晉陽縣北二里城記云堯築也案唐有三此其一

也本為堯封國又為堯後所封國一在今直隸唐縣皇甫謐云堯

始封此括地志云堯後所封也一在今隨州亦堯後宣十三年

左傳所稱唐惠侯是也春秋地各攷畧司馬貞曰唐本堯後在

今晉陽成王滅之以封叔虞又徙之於許郢之間春秋唐惠

侯是其苗裔也漢志蔡陽縣上唐鄉故唐國括地志故唐城在

秦陽縣東南百五十里開元中德置唐城縣屬隨州元省成王

今爲唐城鎮在隨州西北八十里蓋即古之上唐鄉也

滅唐襄二十四年杜注殷末不韋國於封弟叔虞爲唐侯其地

唐周成王滅唐遷之於杜爲杜伯封弟叔虞爲唐侯其地

南有晉水

漢地志太原郡晉陽縣龍山在西北晉水所出元叔和志晉水源出晉陽縣西南懸壺山東入汾水

虞子變父改國號曰晉

詳鄭譜孔疏及後得魏地及虞號焦滑杜氏春秋釋例

霍陽耿邢諸國之地又得殷墟及陽樊溫原欒茅之地封疆寢

大蓋都於河東而奄有河西河外河內焉今山西太原平陽汾

州澤州蒲州諸府遼沁解絳吉陽等州陝西同州府

案王城在朝邑剗首

在卻陽新城及邛在澄城注及彭衙在白水

及商州

自州以東至河南嵩

縣俱為晉陰地

直隸順德大名廣平保定真定諸府及趙州河南陝州

衛輝懷慶二府界皆晉境

河東今山西諸州府是也虞霍揚耿皆在焉其地不可勝紀河西韓是也

在今同州府河外焦毓是也在今陝州河內殷墟及陽樊諸邑

是也在衛輝懷慶二府邛在順德府治邛臺縣春秋僖十四年

沙鹿在大名府治元城縣昭二十九年乾侯在廣平府成安縣

黎鄴逆時諸邑見哀四年左傳欒今欒城縣屬真定府鄴今高

邑縣屬趙州逆時卽曲

唐叔舊都今太原府太原縣也

春秋釋例晉太

逆在今保定府完縣  
今太原大夏參墟晉陽六名案漢太原郡治晉陽縣其故城卽  
今太原縣治縣北有古唐城孔疏皇甫謐云堯始封於唐今中  
山唐縣是也後徙晉陽及爲天子都平陽於詩爲唐國漢書地  
理志鄭譜及杜預左傳注並云唐在太原晉陽縣臣瓚謂唐在  
河東永安去晉四百里唐國不在晉陽變何須改爲晉侯案永  
安今霍州也道元師古皆從瓚說又案史記唐在河汾之東方  
百里顧亭林據此以爲在今平陽翼城縣云翼城正在二水之  
東而晉陽在汾水之西不相合復案寰宇記故唐城在翼城縣  
西二十里都城記云唐國帝堯之子所封也至成王時唐人作  
亂成王滅之而封其弟叔虞至唐侯子變北徙晉水之陽因改  
曰晉顧氏謂唐在翼城  
始兼據此今並存之  
世家獻公盡殺諸公子而城聚都之命曰絳始都絳與鄭譜異  
義孔疏云莊二十六年左傳稱晉獻公命士蒍城絳以深其宮  
明是武公徙絳也又左傳晉士蒍使羣公子盡殺游氏之族乃  
城聚而處之冬晉侯圍聚盡殺羣公子則城聚以處羣公子非  
晉都也世家言命聚曰絳非也案今絳昭侯又徙於翼武公滅  
縣東南有後魏時南絳故城卽晉聚邑

翼復都絳以孔疏云地理志謂河東絳縣晉武公自曲沃徙此者  
曲沃徙此耳非謂武公始都絳也然則穆侯以後晉恒都絳而  
隱五年左傳云曲沃莊伯伐翼翼侯徙絳昭及景公遷新田稱新  
翼晉舊都在平陽絳邑縣東穆侯徙絳昭及景公遷新田稱新  
侯以下又徙於翼及武公并晉又都絳也  
田爲絳而稱舊都爲故絳曲沃今聞喜縣秦置左邑縣即今縣  
粵破改名聞喜其故城在今縣治西南非今曲沃縣府隴州縣  
漢書地理志河東郡聞喜縣故曲沃也  
沃今聞喜縣杜佑以今之曲沃爲春秋翼今翼城縣隱五年左  
時曲沃邑誤今案路史國名紀同誤翼今翼城縣杜注翼  
晉舊都在平陽絳邑縣東後漢志絳邑有翼城注引杜預故絳  
云在縣東八十里今翼城縣東南三十五里有翼故城  
在今太平縣杜氏春秋釋例絳故絳二名平陽絳邑縣西絳邑  
今呼晉城遺址宛然余嘗往觀焉新田在曲沃縣南二里余亦  
嘗往上人呼王官城距故晉城五十里明一統志載晉城在太  
平縣南二十五里晉士爲所築獻公都焉余蓋不獨以目驗而  
知之矣案漢晉絳邑縣城在今曲沃縣太平縣在曲沃之西與

杜注所云故絳在絳邑縣西之語正合或云卽翼城水經注澮水東出絳高山西

於絳暨孫孝侯改絳爲翼翼爲晉之舊都也後獻公北廣其城

方二里又命之爲絳元和志故翼城在翼城縣東南十五里晉

故絳都也案水經注所引詩譜今鄭氏詩譜無此語據王氏詩

地理攷引諸侯譜有此語又案杜氏於翼曰在絳邑縣東於絳

曰在絳邑縣西明爲二地大清一統志新田在今曲沃杜氏

以爲翼卽故絳蓋本水經注及元和志也新田在今曲沃釋例

新田絳二名平陽絳邑縣也案今曲沃縣西南二里有絳邑故

城本晉新絳地漢置絳縣後漢改爲絳邑縣括地志漢絳縣本

晉新田在曲沃縣南二里因絳山爲名元和志周勃爲絳侯卽

其地又近日張氏坊云新田在今曲沃縣西南三十里之侯馬

驛王氏鳴盛亦云侯馬鎮背汾面澮正與或云故絳新田皆在

有汾澮以流其惡語相合此與舊說稍異

今絳州羅念庵又或云故絳在今絳州新田在今絳縣方輿紀

圖備聞喜翼城曲沃太平絳縣絳州並爲鄰翼城曲沃太平屬

平陽府聞喜絳縣屬絳州後爲韓趙魏所滅分其地爲三晉水

經

詩也里文各 卷之一 三

注晉獻公賊耿以封趙夙後襄子與韓魏分  
晉韓康子居平陽魏桓子都安邑號爲三晉

彼汾沮洳汾水出今宣武府治宣武縣管涉山經忻州靜樂縣  
太原府太原交城文水祁縣汾州府平遙介休又經平陽府靈  
石趙城洪洞臨汾之西襄陵太平之東至榮河縣入河山海經  
有沮洳之山郭注引詩彼汾沮洳

黃河自今汾州府宣鄉石樓二縣經隰州永和太宣二縣及吉  
州又經絳州河津縣蒲州府榮河縣至蒲州西門外東歷解州  
萬城縣入河南界漢志云魏國姬姓也在晉之南河曲故其詩  
曰彼汾一曲實諸河之干兮

詩地理攷董氏云河濁而在  
岸之干之側之涓者清也

揚之水鄭箋訓激揚之水案水經注涑水又西南逕左邑縣故

城南故曲沃也秦改爲左邑縣詩所謂從子于鵠者也春秋傳

曰下國有宗廟謂之國在絳曰下國矣卽新城也曲沃新城下國一地三名

詳春秋釋例涼水自城西注水流激濬故詩人以爲激揚之水水側

卽狐突遇申生處也在今絳州聞喜縣左傳杜注涼水出河東聞喜西南至蒲坂入河

或云今曲沃白石山之水卽詩揚之水張氏坊云爾雅沃泉縣出注謂從上瀉下也劉

熙釋名懸出曰沃泉水從上下有所灌沃也晉國以絳山爲宗絳水出焉流湧而東流狀石罅至白石山懸而爲沃泉又東折爲白水村九曲而北入澮凡此曲沃新田兩都襟帶皆此沃水之所深回盤旋也是爲曲沃命名之由詩唐風揚之水白石鑿

鑿素衣朱襪從子于沃白石沃泉昭然若揭

從子于沃從子于鵠毛傳沃曲沃也鵠曲沃邑也孔疏曲沃非獨一邑其都

在曲沃其並詳前

詩地理攷略 卷之一 三

首陽之巔首陽山名在今蒲州府南一名厯山一名首山一名

雷首山一名中條山

又名蒲山亦名襄山亦名甘泉山亦名猪山亦名狗頭山亦名薄山亦名吳山見史

記五帝本紀正義引括地志又名寸棘山一名渠山一名獨頭山一名條山見史記封禪書正義引括地志 卽夷齊

餓處

首陽山有五一蒲坂也一洛陽在今偃師縣卽春秋首戴一礪西卽鳥鼠山一遼西在今直隸永平府廣龍縣或云

在今山西遼州和順縣一吳郡也夷齊餓處馬融及晉志十三州志以爲蒲坂高誘杜預阮籍以爲洛陽許慎以爲遼西曹大家以爲隴西顏師古注漢書據西山之歌謂隴西爲是黃山谷據師渡孟津二子叩馬而諫王耕野客叢書據阮瑀適彼洛師賸彼首陽敬弔伯夷之語並謂洛陽爲是水經注九域志於蒲坂洛陽兩地並存羅長源則據呂子書及石曼卿之說而獨主蒲坂詳路史餘論王伯厚亦據會子書而獨主蒲坂也詳困學紀聞

論曰處瘠土之民勞勞則思思則善心生處沃土之民逸逸則

淫淫則忘善忘善則惡心生唐魏瘠土也又有帝王之遺化故



其民儉嗇而憂深思遠非他俗所能及揚之水序謂刺昭侯考  
昭侯封叔父成師於曲沃後桓叔與潘父謀弑昭侯其孫武公  
又并晉讖者見微知著不無隱憂以爲刺昭義或然也武公身  
爲篡弑自知負罪故賂王請命以爲維係人心之計術已狡矣  
據無衣序說不請命於天子請命於天子之使不自請命於天  
子之使使大夫請命於天子之使謀又密矣愚嘗論史有言奸  
而不雄不敢行篡逆之事雄而不好不能構篡逆之謀奸雄并  
篡逆成於武公亦云

### 秦

秦在禹貢雍州境內近鳥鼠山

本鄭譌說案鳥鼠山在今甘肅蘭州府渭源縣西

秦州清水縣也

新讀秦隴西谷名後漢書郡國志隴西有秦亭水經注秦水出大隴山秦谷歷秦川有故秦

亭秦仲所封也秦之為號始於是

大清一統志秦亭在清水

縣東北縣志云今為白河鎮案水經注言秦谷在大隴山秦亭在秦川為秦仲封邑秦亭與秦谷本二地故郡國志謂隴縣有

秦亭今清水縣也與地廣記謂隴城縣有秦谷今秦安縣也通

典謂秦州為秦始封或云即秦州方輿紀要秦州秦始封於此

之邑當是統舉郡名

秦亭在今秦州又云隴州有秦昔伯益佐禹治水有功賜姓

城非子食邑隴州屬陝西鳳翔府

嬴氏鄭讀堯時有伯翳者實皋陶之子佐禹治水孔疏鄭語曰

一人也列女傳皋陶生五歲而佐禹曹大家注曰皋子皋陶之

子伯益也中侯苗興曰皋陶之苗為秦秦出伯益明是皋陶之

子也今案韋昭注鄭語以伯翳為伯益並據孔疏所引諸說則

伯益即伯翳為皋陶之子嬴秦之祖明甚而左氏載楚人滅蓼

賦文仲謂皋陶不祀者豈以秦是時習於戎俗未即諱華為不

足比數也耶金仁山云尚書之伯益即秦紀之伯翳秦非書所

為去故謂益為秦秦紀謂伯翳佐禹治水馴服鳥獸豈非書所

謂益益奏庶鮮食益作朕虞若予上下鳥獸者乎太史公於二

帝本紀言益見秦本紀為翳則又從翳豈疑而未決故於陳杞世家敘伯益與伯翳為二乎抑出於遷設二手故其前後謬誤也羅氏路史因之遂以益翳為二周孝王封其裔非子為豳邑之秦史記秦本紀大駱生非子非子居犬丘好馬及畜善間在隴宣王又命非子會孫秦仲為大夫秦仲子莊公居犬丘秦本紀秦仲有子五人其長者曰莊公宣王召莊公昆弟五人與兵七千人使伐西戎破之於是復予秦仲後及其先犬駱地犬丘并有之為西垂大今陝西西安府興平縣也秦廢丘漢槐里故城在縣東南括地志犬丘故城一名槐里或云今秦州方輿紀要西縣城在秦州志犬丘故城一名槐里或云今秦州西南百二十里即所謂西犬丘也非子始都此後莊公復居焉秦并幽王為犬戎所弑平天下改為西縣漢亦曰西縣屬隴西郡

王東遷莊公子襄公以兵送之王遂封襄公為諸侯賜以岐豐之地因有西周畿內八百里封域焉此據鄭譜及漢地志案史記秦本紀平王賜襄公岐

以西之地曰戎無道侵奪我岐豐之地秦能逐戎即有其地襄公伐戎而至岐辛文公十六年以兵伐戎戎敗走遂收周餘民有之地至岐岐以東獻之周與此異孔疏終南山在岐之東南大夫之戒襄公已引終南為喻則襄公亦得岐東非唯自岐以西也明襄公救文公卜居汧渭之會今郿縣也括地志郿縣故城在岐州郿縣周即得之矣毛傳謂文公東獵汧渭之會或云今寶雞縣高氏士奇云寶雞縣東北有陳倉古卜居之乃營邑焉即此城也城為秦文公所築又其地在汧水之南渭水之北所謂汧渭之間也又漢志陳倉有羽陽宮秦武公所起武公者文公之孫也非以其父所嘗居而益增營構耶辛氏三秦記秦武公都陳倉城即其說矣案高氏說亦備一義又詩地理攷引世紀云襄公徙汧故城在隴州汧源縣南三里文公還居非子舊墟大丘在汧渭之間即槐里是在京兆府興平縣東南十里隴州汧源縣今陝西鳳翔府隴州宣公徙平陽今岐山縣城史記正義岐山也並存其說以俟攷縣有平陽鄉鄉郿縣寶雞岐山並隸鳳翔德公徙雍今鳳翔府內有平陽聚

治鳳翔縣也

括地志岐州雍縣南七里故雍城通志雍故扶風雍縣案雍縣故城在今鳳翔縣南朱傳以雍為今

西安之興平縣誤復案元和志天興縣本秦雍縣秦國都也至德二年分置鳳翔縣永泰元年廢仍改雍縣爲天興縣興平當是天興自德公以下十八世皆居雍獻公遷櫟陽今臨潼縣東

北有櫟陽故城括地志秦櫟陽故宮在雍州櫟陽縣北三十五里秦獻公所造三輔黃圖云高祖都長安未有宮室居櫟陽宮

也索隱云因堊太孝公遷咸陽下至子嬰凡今咸陽縣也關中

上皇改名曰萬年公都咸陽今渭城是始皇都咸陽今城南大城是括地志咸陽故城亦名渭城在咸陽縣東十五里臨潼咸陽並

隸西安孝公後六世爲始皇帝又二世至子嬰諸侯誅之遂滅

秦項羽入秦封司馬欣爲塞王都櫟陽董翳爲翟王都高奴章邯爲雍王都廢上爲三秦高奴今延安府安塞縣

阪有漆說文阪山脅也後漢書郡國志隴縣有大阪名隴坻案

隴坻一名隴阪亦名隴山在今秦州清水縣東與鳳翔府隴州

接界別有大隴山在秦安縣東北元和志小隴山在清水縣一名隴坻又名分水嶺又大隴

山在隴城縣東一百里 大清一統志隴山延亘隴州靜寧鎮  
原清水諸州縣境其峯巒巖嶺隨地異名其實一隴山耳自後  
魏以下始有太小之分水經注及元和志  
皆以小隴山爲隴阪而大隴山不與焉

終南何有終南山名一名中南在今陝西西安府城南五十里  
西自鳳翔府郿縣入境連亘盩厔鄠縣長安咸寧四縣之南又  
東抵藍田縣界程泰之雍錄終南山橫亘關中南面西起秦隴  
東徹藍田凡雍岐郿鄠長安萬年相去八百里連綿峙踞其南  
者皆此一山

有紀有堂毛傳紀基也堂畢道平如堂也鄭箋畢終南山之道  
名案畢卽畢原 大清一統志畢原綿亘渭之南北其境甚廣  
以今考之在萬年縣西南者 案萬年古縣名今臨潼縣也 卽文武周公所葬

在長安咸陽西北者乃畢公高所封

詩地理攷曹氏云紀崔靈思集注作虢曰終南之旁有

山

曰至渭陽渭水名見後水北曰陽鄭箋秦是時都雍至渭陽者  
蓋東行送舅氏於咸陽之地案咸陽今西安府咸陽縣也咸陽  
與雍皆在渭水北水經注渭水東逕雍縣南雍水南流注於渭  
渭水又東北逕渭城南文潁以爲故咸陽矣孔疏謂雍在渭南  
咸陽在渭北誤

論曰史稱非子之兄成當宣王時犬戎滅其族非子之曾孫秦  
仲亦死於犬戎幽王又爲犬戎所弑犬戎者秦不共戴之仇也  
觀小戎無衣諸詩其民俠義偕作蓋有由然夫民具五常之性

順導則禮讓之俗成激厲則節義之風著秦卒誅犬戎不亦宜

乎漢志云天水隴西

案天水郡今甘肅秦州地隴西郡今蘭州鞏昌二府地

山多林木民

以板爲室屋及安定北地上郡

案安定郡今甘肅平涼府及涇州地北地郡今慶陽府地上郡

今陝西延安府地

皆迫近戎狄修習戰備高尙氣力以射獵爲生故其

詩曰在其板屋又曰王于興師修我甲兵車轡四載小戎之篇

皆言車馬田狩之事漢興六郡良家子選給羽林期門以材力

爲官名將多出焉

陳

陳太皞伏犧氏之墟在禹貢豫州之東其地廣平無名山大川

西望外方東不及孟豬

孟一作盟又作明豬一作諸澤名職方氏謂之望諸史記謂之明都在今歸德



府庾城縣西北十里接商丘縣界地  
理今釋商丘虞城二縣界有孟諸臺  
武王以元女太姬娶舜之

自胡公滿而封於陳以備三恪  
鄭氏以陳與祝鮀為三恪杞陳

陳與杞宋也宋見後杞姓伯  
武王克商求夏禹裔得東

樓公封於杞杜預云杞國本都陳  
開雍丘縣推尊事跡桓六年

淳于公亡國杞似并之遷都淳于  
傳十四年又遷緣陵裏二十

九年又遷淳于案雍丘縣今河南  
開封府杞縣也淳于今山東

青州府昌樂縣也其後為楚所滅  
後陳亡三十四年都於宛丘

之側今河南陳州府治是也  
陳州府治淮寧縣漢高帝置淮陽

注渠水東南逕陳城北故陳國也  
伏義神農並都之城東北三

十許里猶有義城通志伏義都陳  
宛丘城是也神農都魯或云

始都其國境則兼有歸德潁州二府  
界地成十六年鳴鹿在鹿

亳州治復案宋之鬼閭在西華楚之  
後三十三世為楚所滅

沈邑在沈丘陳州府非全為陳地  
後三十三世為楚所滅

宛丘之上今宛丘在今陳州府城東南  
毛傳及李巡孫炎並云

詩也臣父各一

正形四方高中央下郭璞以為中央高蓋據爾雅上有丘為

宛丘語也水經注宛丘在陳城南道東王隱云漸欲平今不知

所在矣元和志宛丘在陳州宛丘縣南三里寰宇記云高二尺歐陽氏

輿地廣記爾雅丘有丘曰宛丘今其地形則然

泌之洋洋王雪山云泌在南陽泌陽縣案泌水出今南陽府泌

陽縣銅山歷唐縣會清水逕南陽縣界與涓水合至襄陽縣界

入漢水陳地與泌水相近故詩人詠之

東門之池毛傳池城池也案池在今陳州府城東北隅通典陳州宛丘

有東門池元和志池在陳州城東門內道南水經注陳城東門內有池池水東西七

十步南北八十許步水至清潔而不耗竭不生魚草詩所謂東

門之池也

陳詩東門之枌東門之池東門之楊稱東門凡三王雪山云多稱東門此必宛丘交會之地楚向陳自南

之東輟微舒於栗門疑卽栗門也

墓門有棘墓門毛傳訓墓道之門王雪山云左氏鄭有墓門城

門也古人樸城門之外有冢卽曰墓門此恐亦是城門

王氏引

述聞云襄三十年左傳晨自墓門之漬入杜注云墓門鄭城門此墓門蓋亦陳之城門若魯有鹿門齊亦有鹿門齊有揚門宋亦有揚門楚辭天問何繁鳥萃棘負子肆情王注云言解居父聘吳過陳之墓門見婦人負其子欲與之淫佚肆其情欲婦人則引詩刺之曰墓門有棘有鴉萃止故曰繁鳥萃棘也據王注曰過陳之墓門則墓門爲陳之城門可知猶言秦師過周北門耳王注本於列女傳蓋三家詩中有此說也

防有鵲巢卽有旨苕毛傳防邑也卽丘也後漢書郡國志陳國

陳縣注引博物記云卽地在縣北防亭在焉案防亭在今陳州

府城北

胡為乎株林毛傳株林夏氏邑

案程公說春秋分記夏氏祖宣公子少西生御叔御叔生微舒

微舒生晉晉生禦寇禦寇生翬翬生區夫是翬為微舒曾孫杜氏釋例世族譜謂翬為微舒三世孫是也左傳杜注乃云微舒

立孫立字疑誤

寰宇記陳州西華

詩地理攷引此誤作南頓縣西南三十里有夏亭

城城北五里有株林即夏氏邑一名華亭今陳州西華縣西南

之夏亭城是也

詩地理攷唐氏云陳靈公弑而楚子入陳則王迹熄矣詩之所以亡也

說于株野案寰宇記廣輿圖讀史方輿紀要大清一統志乾

隆府廳州縣圖志並云今歸德府柘城縣為春秋陳株野地元

和志云柘城縣屬宋州其羅城即古株邑城也

史記陳涉使葛嬰將兵徇斬以

東攻柘下之徐廣曰柘屬陳案今柘城縣為古朱襄氏邑故後漢書郡國志注云陳有株邑蓋朱襄氏之地

論曰讀陳風而知臨民不可不謹小慎微也太姬尊貴無子好  
巫覡禱所鬼神歌舞之事其民化之故其俗尙鬼漢志鄭譜並  
云然詩曰坎其擊鼓宛丘之下無冬無夏值其鸞羽東門之枌  
宛丘之枌子仲之子娑娑其下此其徵矣噫家國相因之故其  
理至著其幾甚速爲上者觀此當亦憬然而悟恍然爲戒哉

曹

曹在禹貢兗州陶丘之北

陶丘在今定陶縣西南七里

雷夏荷澤之野

地理今釋

今山東東昌府濮州東南有雷澤接曹州界荷澤古濟水所匯當在曹州東南及定陶縣界

古爲三腴國今

山東曹州府定陶縣也

漢志濟陰郡定陶縣故曹國後漢志定陶故陶堯所居案定陶故城在今縣西北四里又縣西北十里有髡山接荷澤縣界寰宇記云古曹國

葬地自曹叔振鐸至伯陽二十五代皆葬此連屬十五里髡髡

如周武王封弟振鐸於此路史曹侯國案春秋曹地定十二年

十七年重丘哀七年揖丘在今曹州曹縣哀七年黍丘在漢梁

國下邑縣今歸德府夏邑縣鍾邳二邑在今定陶縣漢志云曹

國其後稍大得山陽陳留今案漢山陽郡凡二十鄭譜云昔堯

三縣陳留郡凡十七縣其地之屬曹無可攷也

嘗遊成陽死而葬焉漢志濟陰郡成陽縣有堯冢靈臺禹貢雷

澤縣是也元和志堯陵在雷澤縣西三十里自堯即位至永

嘉三年二千七百二十一年記於碑案雷澤縣故城在今曹州

府濮州濮縣漁於雷澤民俗始化其遺風重厚多君子務稼穡薄衣

食以致蓄積夾於魯衛之間元和志曹州東至兗州三百又寡

於患難末時富而無教乃更驕侈自曹叔至伯陽凡二十五世

為宋景公所滅春秋哀八年宋滅曹遂為宋邑

十四年宋向魋入于曹以叛

南山朝降毛傳南山曹南山也案曹南山在今曹縣南八里俗

南山朝降毛傳南山曹南山也案曹南山在今曹縣南八里俗

南山朝降毛傳南山曹南山也案曹南山在今曹縣南八里俗

名土山春秋盟於曹南卽此

論曰國無大小得人則昌失人則亡其公不用僇負羈而乘軒者三百人晉文聲罪致討國幾亡矣故曹風有候人之詩曹亡於春秋末下泉詩傷天下無伯其將亡之時乎

幽

幽在禹貢雍州岐山之北岐山在今鳳翔府岐山縣原隰之野詳後度其隰原今陝

西邠州三水縣也漢地志梅邑有幽鄉詩幽國公劉所都襄二十九年杜注幽在新平漆縣東北有幽亭案路史幽本谷名

幽漆縣東北邠城徐廣云漆縣東北有幽亭案路史幽本谷名邠之三水西南三十里有故邠城三水東北有幽亭枸故城又

三水縣志縣西南三十里爲古公或云卽邠州幽在邠州治南

鄉亦謂之古公原迤南卽公劉墓城垣所依一名鳳皇山亦謂之虞夏之際棄爲后稷封於邠

及夏之衰棄稷不務不密失其官守而自竄於戎狄之間至公

劉能復修后稷之業民以殷富乃相土地之宜立國於幽史記

敬旬叔二傳以遷幽屬之公劉於周本紀又云公劉後太王徙

於周文王徙於程通周書義王季宅程當是宅之而未居又徙

於豐武王有天下遂定都於鎬懿王又徙都犬丘焉帝王世紀

鎬徙都犬丘亦郃今乾州武功縣周今鳳翔府岐山縣縣東北

見漢書地理志漢書地理志美陽縣有中水鄉周太王所邑後漢書郡程今西

國志美陽有周城案今岐山縣為漢雍縣美陽縣地程今西

安府咸陽縣縣東有漢安陵縣故城漢地志扶風郡安陵師古

謂畢程大清一統志云史記正義豐今鄂縣鎬今長安縣犬

丘今興平縣西安鳳翔括地志不密故城在慶州宏化縣南三



里今甘肅慶陽府治安化縣也慶陽在春秋戰國爲義渠戎地後漢書西羌傳秦惠王伐義渠

取祁祁祁祁故城卽今州治漢置祁祁縣屬北地郡後漢廢隋唐時置慶州於此元和志慶州理東南三里有不窟故城府志

慶州城在今府城北門外周不窟冢在府治東三里城內有不

窟廟韋昭國語註不窟去夏而遷於祁祁西接戎北近狄據此則不窟所居亦稱幽故慶陽舊有北祁之號並詳詩管見

論曰公劉以農事開幽故其民好稼穡務蠶桑謀衣食之本甚

備形諸歌咏七月一詩是也鵲鳴以下諸詩同爲幽音故太師

取而同部云

晉

晉少皞之墟在禹貢徐州大野蒙羽之間大野澤一名鉅野澤在今曹州府鉅野縣

北五里薛水故瀆所入也今泗蒙山見後羽山在今江蘇淮安府海州成王以封周公畱公輔政

詩地理攷略

卷之一

五

而使其子伯禽就國今兗州泰安沂州三府地案齊之陽穀在兗州府陽穀縣

齊之麻博在泰安府泰安縣巫山在肥城縣落姑平陰防門京

茲在平陰縣周首北杏鄆丘在東阿縣衛之清與桃丘亦在焉

莒都在沂州府莒州莒之郛在沂水縣又齊之堂青州莊二十

早在蒙陰縣兗州泰安沂州三府不盡為魯地九年諸

在諸曹州莊三十一年秦在范縣襄二十六年高魚成十四年

城縣曹州西郛在郛城縣桓三年成上哀十四年大野在鉅野

縣文十一年成在二府界皆魯境以東南接江南邳泗之境皆

魯分其都今曲阜縣治是也大清一統志考之甚詳案明堂

也志周以少皞之墟曲阜封周公子伯禽為魯侯應劭云曲阜在

魯城中委曲長七入里鄭譜云國中有太庭氏之庫則太庭氏

亦居茲乎案太昔周公始封太公問何以治魯周公曰尊尊而

庭氏神農也親親太公曰後世寢弱矣魯自文公以後祿去公室政在大天

季氏逐昭公陵夷微弱三十四世為楚所滅

在垆之野毛傳垆遠野也林外曰垆

爾雅邑外謂之郊郊外謂之野野外謂之林林外謂

之今案垆澤名在今兗州府曲阜縣元和志垆澤俗名連泉澤

在曲阜縣東九里魯僖公牧馬之地詩曰駉駉牡馬在垆之野

是也

思樂泮水通典兗州泗水縣有泮水

寰宇記泮水詩謂泮宮是也

案泮水一

名雩水源出今曲阜縣西南馬跑泉流至府城入泗水

輿圖或備攷

云卽汶水也

禹貢錐指汶水有五北汶嬴汶柴汶牟汶其一則經流也北汶卽泮水源出泰山分水嶺泰安志謂

之壑

既作泮宮謂於泮水之側作宮蓋離宮之類不必是學宮

水經注靈光殿之東南卽泮宮也在高門直北道西宮中有臺

高入十尺臺南水東西一百步南北六十步臺西水南北四百

步東西六十步臺池咸結石爲之詩所謂思樂泮水也括地志

泮宮在兗州府曲阜縣西南二百里魯城內宮之內九域志襲

慶府有泮宮 王制天子曰辟廱諸侯曰泮宮明堂位頌宮周學

也此殆漢儒傳會之說

毛云泮水泮宮之水也鄭云辟廱者築土雝水之外圓如壁四方來觀者均也

牛水者蓋東西門以南通水北無也均屬傳會

泮林謂近泮水之林也

別詳詩管見

土田附庸案魯附庸之國略可攷者顓臾極鄆邾邾牟葛須句

公羊之屬左傳僖二十一年杜注顓臾在泰山南武陽縣北今

費縣也

縣西北七十里南武陽故城縣西北八十里

有顓臾城春秋隱二年無駭入極杜

注極附庸小國今兗州府魚臺縣有極亭成六年取鄆杜注附

庸國隱元年公及邾儀父盟于蔑杜注邾魯國鄒縣附庸之國

元和志鄒縣故邾國魯之附庸魯穆公改邾爲鄒因鄒山以爲

名今兗州府鄒縣東南二十六里有邾故城

後楚滅邾遷其君於今湖北黃岡縣

在漢爲郛縣今黃岡縣治卽解縣故城

春秋莊三年郛犁來來朝杜注附庸國東

海昌慮縣東北有郛城

疏郭之上世出於郛譜云小郛郛挾之後也夷父頗有功於周其子友別封爲

附庸居於郛曾孫犁來如見春秋郛城在今滕縣東南春秋桓

十五年邾人牟入葛人來朝杜注三人皆附庸之世子也牟國

泰山牟縣葛國在梁國寧陵縣東北今泰安府萊蕪縣東有牟

縣故城

水經注汶出牟縣故城西南阜下牟縣故城在東北古牟國也春秋牟人朝魯故應劭曰魯附庸也俗謂是水

爲牟汶也並詳歸德府寧陵縣北有葛城僖二十一年左傳杜

注須句在東平須昌縣西北二十二年春秋杜注須句爲魯私

屬若顓臾之比東平須昌縣今泰安府東平州也州西北有須

昌故城

水經注濟水又北逕須朐城西故須朐國風姓也杜預曰須朐在須昌縣西北非也地理志曰壽張縣西北有

祠城是也高氏士奇云或曰須句初封濟水之陽在壽張後遷  
濟水之陰在須城案漢壽張故城在今兗州府壽張縣東南五

里

泰山巖巖魯邦所詹史記云泰山之陽則魯其陰則齊案泰山  
在今泰安府治泰安縣詹毛傳云至也朱傳云與瞻同

奄有龜蒙龜山在今兗州府泗水縣東北與泰安府新泰縣接

界蒙山一名東山一名東蒙山在今沂州府蒙陰縣南接費縣

界

漢志蒙陰縣禹貢蒙山在西南有祠顯史圖在蒙山下閭百  
界詩云東蒙即書蒙羽其藝詩奄有龜蒙之蒙元和志異析爲

二謂在沂州費縣西北八十里者蒙

山在費縣西北七十里者東蒙山

保有鳧繹鳧山在今鄒縣西南五十里繹山在今鄒縣東南二

十里一名鄒山

釋禹貢作嶧方傳杜注魯國鄒縣北有繹  
山今繹山在鄒縣南蓋縣治徙山北也

居常與許毛傳常許魯南鄙西鄙孔疏常為南鄙許為西鄙鄭箋許許田也

魯朝宿之邑也常或作嘗在許之旁春秋莊公三十一年築

於許是歟六國時齊有孟嘗君食邑於許孔疏傳以常許為魯

箋易之諸侯有大德受采邑於京師為將朝而宿焉謂之朝宿

之邑魯以周公之故成王賜之許田春秋之時魯不朝周邑無

所用而許田近於鄭國鄭有初田地勢之便而與鄭易之桓元

年鄭伯以璧假許田公羊傳曰許田者何魯朝宿之邑也葉之

許近許也此魯之有許見於經傳也六國時齊有孟嘗食邑於

許以其居許邑而號孟嘗君則嘗在許旁其為一地也今案田

文食邑春秋之許國也隱十一年許侯來朝杜注許魯國許縣

至春秋末許已入於齊哀十四年左傳載齊恒執其君責於許

州史記作徐州後漢郡國志云許城在春秋之季曰徐州水經

江云鄆水西逕許縣故城北地理志夏車正奚仲之國也竹書

紀年梁惠成王三十一年邳遷於許改名徐州城南山上有奚

仲豕齊封田文於此今郭側猶有文豕又春秋莊三十一年築

臺于許杜注魯地是與田文食邑有別矣鄭箋合為一地所未詳也

案許城在今山東兗州府滕

詩地理攷略

卷之一

四

縣東南四十四里本古奚仲封國辭城南十里有孟嘗集或以爲卽古常邑史記越世家願齊之試兵南陽莒地以聚常郊之境索隱云常邑名卽田文所封

大清一統志

許田在今河南許州東

南一名魯城寰宇記故魯城鄭伯請以泰山之初易許田而祀

周公卽此城也

案辭國固不得謂魯南鄙許田距魯遠亦不得謂魯西鄙箋與傳義自異故疏云箋易傳也今

沂州府西北五十五里有許田城爲古初邑地魯隱八年鄭以初易許田後人因是名城爲許田城若以此爲魯之鄙邑則近是然不在魯之西境非毛義也或謂常與棠唐堂嘗古並通春秋隱三年公及戎盟于唐五年公矢魚于棠杜同注云高平方與縣有武店亭今兗州府魚臺縣也呂覽常之巫管子作堂巫索隱作棠巫齊語反魯侵地常潛管子作堂潛今魚臺縣與滕縣接壤足證常爲在辭之旁且魯南爲滕滕南爲齊

帝在辭旁當爲魯南鄙然其設於地與家無可徵者

徂來之松九域志奉符縣有徂來山今在泰安府泊泰安縣東



南四十里

元和志祖來山亦曰尤老山水經注無此山名

山在兗州梁父奉高博三縣界今猶有美松亦稱

泉保此山自

新甫之柏後魏志魯郡汶陽縣有新甫山案汶陽故城在今兗

州府寧陽縣東北今泰安府新泰縣有官山

山在縣西十里或按萊蕪縣界

云本名新甫山也見 大清一統志

論曰周公以禮教開國孔子復設教洙泗弟子從游者三千人

故其俗尚儒漢高帝滅楚圖魯而弦歌之聲不絕及定天下制

禮諸儒皆魯出焉聖澤之留貽長矣漢志云魯有聖人之教化

故孔子曰齊一變至於魯魯一變至於道言近正也瀕洙泗之

水其民涉度幼者扶老而代其任俗既益薄長老不自安與幼

少相讓故曰魯道衰洙泗之間斷斷如也孔子閔王道將廢迺修六經以述唐虞三代之道是以其民好學上禮義重廉恥今去聖人久遠周公遺化銷微孔氏庠序衰壞地陋民眾頗有桑麻之業無林澤之饒俗儉嗇愛財趨商賈好訾毀多巧僞喪祭之禮文備實寡然其好學猶愈於他俗

### 商

契始封於商今陝西商州也地有商山因是得名州東有商洛水經注丹水東南過商縣南契始封商招地志商州東八十里商洛縣契所封也路史以此爲舜子義鈞封國及文十二年左傳楚子西采邑之地大清一統志以契封國與子西采邑秦衛鞅封邑爲一地或云在今同州華陰縣  
路史契封在華陰之鄭不樂都城及故瀋邑故世本謂契居蕃闕縣云蕃有商山亦見水經注渭水條下

契至湯八遷

見書序及史記殷本紀案八遷孔傳謂契居商昭

遷於商上甲居鄴可考者有六而已鄴今彰德府臨漳縣砥石王伯厚謂即砥柱在今陝州湯居亳而亳有

三蒙爲北亳在今歸德府治商丘縣西北

後漢郡國志梁國蒙縣有蒙澤注引帝王

世紀云有北亳案蒙縣故城在今商丘縣東北四十里莊十二年左傳杜注蒙縣西北有亳城今商丘縣北有大蒙城即亳城

也亳亦作薄後漢薄縣與蒙縣同隸梁國前漢蒙縣隸梁國薄縣隸山陽郡寰宇記穀熟縣古穀地漢於此置薄縣顧錫山云

北亳在今商丘

或云在今衛輝府考城縣

縣在商丘西北前漢爲留縣屬梁國後漢

改名考城屬陳留郡與國備攷云考城春秋穀地有蒙澤案穀爲桓二年春秋之穀寰宇記所謂漢於穀地置薄縣是也通典

北亳在曹州考城縣

穀熟爲南亳在今商丘縣東南

郡國志梁國穀熟縣

注引帝王世紀云有南亳案前漢無穀熟縣蓋後漢析薄縣地置也劉孟塗云商丘縣即漢之睢陽穀熟故縣在睢陽東南四

十里今爲穀熟縣括地志所稱南亳

偃師爲西亳今河南府偃

故城又在穀熟縣西南三十五里

師縣郡國志河南尹偃師縣注引帝王世紀云帝嚳孟子稱湯所都殷盤庚復居亳是為西亳皇覽云有湯亭

居亳與葛為鄰南亳也括地志宋州穀熟縣西南二十五里南亳故城湯都也路史湯都南亳今南京

穀熟與葛伯故國在今宜陵縣與南亳相距甚近故得使亳眾

代耕詳水經注又閭百詩云寰宇記亳城在穀熟縣西南及受

命有天下則都西亳書序湯居亳從先王居孔傳契父帝嚳居亳湯自商上遷焉漢地理志偃師縣尸鄉

殷湯所都史記正義湯即位都南亳後徙若景亳者其即西亳

西亳地理今釋尸鄉在偃師縣西十里昭四年左傳商湯有景亳之命杜注云鞏縣西南有湯亭或

或云北亳帝王世紀北亳即景亳也所謂景亳為北亳矣括地志

宋州北五十里大蒙城為景亳因景山為名實字記引十三州

志湯會諸侯於景亳即蒙之北亳也路史景亳薄是有景山亳

城湯受命都之案漢地志薄縣臣瓚注云湯所都後漢郡

國志注引杜預云蒙縣西北有薄城中有湯冢劉孟塗云

南亳者湯為諸侯時所居之國西亳者湯為天子時所遷之都北亳者湯克夏時所會諸侯之地詳亳州志後仲丁

遷葛藟一作敖今開封府滎澤縣也地理今釋書史記作傲並音敖水經注云敖山上有

城即殷仲丁之所遷秦置倉於其中河直甲居相今彰德府也亦曰敖倉城敖山在今滎澤西北

城在相州內黃縣東南十三里即河直甲所築都之通鑑地理通釋安陽縣直甲城在洹水南岸又有河直甲故都在臨漳縣

西南五十里又有亳城在縣西南二十五里今為亳城集城中陽或云在臨漳有殷中宗陵案河直甲故都或云在內黃或云在安祖乙居耿

耿一作邢漢志謂在河東皮氏志又云晉滅耿以賜趙風後今耿

解州河津縣也縣西有皮氏故城縣南有耿城一名耿鄉城一

乙自相徙此為河所毀故書序曰祖乙圮於耿村張曰平陽皮

氏縣東南耿鄉是也盤庚以耿在河北迫近山川乃自耿遷亳

或云今吉州與國備攷及以為在今順德府治者誤順德府治

寺也里文各地理今釋為春秋邢

國都書蔡傳謂祖乙居耿遷邢地理今釋云史記索隱謂祖乙  
遷於邢邢音耿近代本亦作耿河東皮氏有耿鄉蔡傳以祖乙  
兩遷分耿邢爲二非也愚案通典云邢州盤庚遷殷鄭康成云  
治龍岡縣祖乙遷邢卽此蔡傳蓋沿其誤盤庚遷殷治於亳之  
殷地商家自此徙而改號曰殷詩地理攷孔氏云殷是亳地之  
小別曹氏云盤庚復治亳之殷地湯之故居故兼稱殷商周氏  
云盤庚以前稱商自盤庚既都西亳也帝王世紀史記正義元  
毫於是殷商兼稱或單稱殷西亳也和志通志蔡氏書傳說  
同東遷亳殷南昔盤庚所遷蓋亦指西亳路史以爲北亳注云  
又東遷亳殷南昔盤庚所遷蓋亦指西亳路史以爲北亳注云  
之亳城在考城東北五十三里有潁水盤庚徙治又路史云紀  
年盤庚白奄遷於北冢曰殷墟北冢冢字耳卽景亳湯都今亳  
之蒙城漢之山桑桑山桑縣唐爲蒙城縣卽今安徽潁州府蒙  
城縣也羅氏旣以漢薄縣爲景亳此又以今蒙城縣爲景亳何  
自相岐異耶又括地志謂盤庚都殷在相州安陽縣亦未然案  
殷有二皆以殷水得名盤庚之殷在河南其後庚丁之殷在河  
北路史云庚丁徙河北號北殷地卽殷墟在相之安陽地有自  
潁水北去朝歌北三十里有殷城晉之殷州建中復爲潁州自  
湯至此又五遷矣史記正義湯自南亳徙西亳仲丁遷敖河直  
甲居相祖乙居耿盤庚渡河南居西亳是五

遷也又路史湯以後五遷紂都朝歌在今衛輝府淇縣東北地

志河內郡朝歌縣紂所都後漢郡國志注引前書注云鹿臺在

城中路史盤庚以後又五遷盤庚遷蒙武丁遷沫自沫徂亳庚

丁徙河北武乙徙紂無道微子數諫不聽去之書孔傳微子內

朝歌至紂居之紂無道微子數諫不聽去之國名子爵也

字記微子城在潞東北今山西潞安府潞城縣東北有微子鎮

即故城也又春秋釋例小國類標傳六年之微注云東平壽張

縣西北有微鄉微子冢今山東武王滅商史記殷本紀武王伐

兗州府壽張縣也並存以俟攷武王滅商紂發兵距之牧野

甲子日紂兵敗走入登鹿臺衣其寶玉赴火而死武王遂斬紂

頭懸之白旗殺妲己楊升庵云武伐紂為天下除暴也紂已死

矣又斬而縣之白旗何惇耶賈子言紂死棄玉門之外觀立紂

者皆進隲之武使人惟而守之猶不止也此近於事理矣

子武庚使三叔監之武王崩成王幼管蔡挾武庚以叛周公誅

說詳路史

禮記謂武王

下車投殷後於宋史記謂武王克商微子持祭器造軍門肉袒

面縛皆誤也宋在禹貢徐州泗濱

書蔡傳泗水出魯國卞縣陪尾山西南過彭城又東南過

下邳入淮案卞縣今兗州府泗水縣

西及豫州孟豬之野今河南歸德府江蘇徐

州府地

方輿紀要今自河南歸德府以東至江南徐州境皆宋分也案徐州府治銅山縣卽宋彭城邑蕭縣卽宋蕭邑

其都卽商丘縣也

縣爲歸德府治路史宋古商丘火正過伯之虛相土因之漢睢陽隋爲宋城今南京治縣

西南十二里有微子廟五隕石

微子至君偃三十二世爲齊楚魏所滅三分其

地

陟彼景山景山或謂在今曹縣或謂在今偃師

大清一統志

兩存之並詳前景山與京及景毫注

論曰湯以天錫勇智受天命表正萬方後三宗迭興克續其緒

遺澤之及民長茂紂爲無道斷朝涉脛剖賢人心剝孕婦置炮



烙爲酒池肉林使婦裸身以相逐殺身亡國宜哉故民苦紂虐  
周伐殷則倒戈民思舊德周代殷則復叛痛定思痛千古同情  
矣商頌十二篇當孔子時僅存五篇詳鄭商近周其文散佚猶  
多夏遠周故其文無存或謂孔子殷人獨存商頌其見抑何陋  
歟

詩地理攷略卷之一終